

勝思惟梵天所問經卷第一

尺

元觀天生三藏菩提流支譯

歸命一切諸佛菩薩如是我聞一時
 婆伽婆住王舍城迦蘭陀竹林與大
 比丘僧六万四千人俱菩薩摩訶薩
 七万二千人皆是智者之所識知得
 具足陀羅尼得無障導樂說辯才得
 諸三昧得大神通奮迅无導畢竟得
 無所畏如實善知諸法體相得无生
 法忍其名曰文殊師利法王子寶手
 法王子寶印手法王子寶德法王子
 虚空藏法王子發心轉法輪法王子
 網明法王子奮迅法王子功德藏法
 王子能捨一切法法王子鉢頭摩莊
 嚴法王子師子法王子月光法王子
 月明法王子窠勝意法王子一切莊
 嚴法王子
 跋陀婆羅等上首十六大賢士其名
 曰跋陀婆羅菩薩寶積菩薩善將導
 菩薩人德菩薩善護德菩薩大海德
 菩薩帝釋王德菩薩上意菩薩勝意
 菩薩增上意菩薩不空見菩薩善住

菩薩善奮迅菩薩无量意菩薩不休
 息菩薩曰藏菩薩持地菩薩如是等
 菩薩摩訶薩七万二千人及四天王
 天帝釋王上首三十三天夜摩天兜
 率陀天化樂天他化自在天及梵王
 等諸餘梵天并餘無量天龍鬼神夜
 叉乾闥婆阿修羅迦樓羅緊那羅摩
 睺羅伽人與非人皆皆來集介時世
 尊有百千万大衆集會恭敬圍遶而
 為說法
 介時網明童子菩薩即從坐起整服
 右肩右膝著地頂礼佛足合掌向佛
 動此三千大千世界觀察三千大千
 世界一切衆生而白佛言世尊我欲
 少問若佛聽者乃敢諮請佛言網明
 恣汝所問我當解說悅可尔心於是
 網明童子菩薩既蒙聽許心大歡喜
 即白佛言世尊如來身相超百千万
 日月光明我自惟念若有衆生能見
 佛身及思惟者甚為希有我復思惟
 若有衆生能見佛身及思惟者皆是
 如來威神之力
 佛言網明如是如是如汝所言若佛

如來不加威神衆生無有能見佛身
 及思惟者亦無有能問如來者何以
 故網明如來有光名寔莊嚴若以此
 光觸諸衆生遇斯光者能見佛身思
 惟佛身不壞眼根網明如來有光名
 無畏辯若以此光觸諸衆生遇斯光
 者能問如來其辯無盡網明如來有
 光名集一切諸善根本若以此光觸
 諸衆生遇斯光者能問如來轉輪聖
 王行業因緣如來有光名淨莊嚴若
 以此光觸諸衆生遇斯光者能問如來
 天帝釋王行業因緣如來有光名曰
 自在若以此光觸諸衆生遇斯光者
 能問如來大梵天王行業因緣如來
 有光名離煩惱若以此光觸諸衆生
 遇斯光者能問如來聲聞乘人所行
 之道如來有光名善遠離若以此光
 觸諸衆生遇斯光者能問如來緣覺
 乘人所行之道如來有光名益一切
 智智若以此光觸諸衆生遇斯光者
 能問如來乘上佛乘大乘之道如來
 有光名曰往益佛來去時足下光明
 若以此光觸諸衆生遇斯光者隨所

壽終生於天上如來有光名一切莊嚴若佛入城放斯光明衆生遇者得樂歡喜諸莊嚴具莊嚴其城如來有光名曰分散若以此光觸諸世界無量無邊世界震動

如來有光名曰生樂若以此光觸諸衆生能滅地獄衆生苦惱如來有光名曰上慈若以此光觸諸衆生能令畜生不相煞害如來有光名曰涼樂若以此光觸諸衆生能滅餓鬼飢渴熱惱如來有光名曰明淨若以此光觸諸衆生能令盲者得眼能視如來有光名曰聽聰若以此光觸諸衆生能令聾者得耳聞聲如來有光名曰止息若以此光觸諸衆生住十不善惡業道者能令安住十善業道如來有光名曰慚愧若以此光觸諸衆生能令狂者皆得正念如來有光名曰離惡若以此光觸諸衆生令邪見者皆得正見如來有光名曰能捨若以此光觸諸衆生能令慳者破慳貪心修行布施如來有光名無悔熱若以此光觸諸衆生令毀禁者皆得持戒

如來有光名曰安利若以此光觸諸衆生能令瞋者皆行忍辱如來有光名曰勤修若以此光觸諸衆生令懈怠者皆行精進如來有光名曰一心若以此光觸諸衆生令忘念者皆得禪定如來有光名曰能解若以此光觸諸衆生令愚癡者皆得智慧如來有光名無垢淨若以此光觸諸衆生令不信者皆得正信如來有光名曰能持若以此光觸諸衆生令少聞者皆得多聞如來有光名曰威儀若以此光觸諸衆生无慚愧者皆得慚愧如來有光名曰安隱若以此光觸諸衆生令多欲者斷除淫欲如來有光名曰歡喜若以此光觸諸衆生令多怒者斷除瞋恚如來有光名曰照明若以此光觸諸衆生令多癡者觀十二緣斷除愚癡如來有光名曰遍行若以此光觸諸衆生令等分者斷除等分

網明如來有光名曰示現一切種色若以此光觸諸衆生能令遇者皆見佛身種種異色無量種色過百千万色

網明當知如來若以一切若餘殘劫依於如來光明說法不可窮盡是故如來應正遍知光明功德無量无边不可窮盡

尔時網明童子菩薩白佛言希有世尊如來示現無量无边身光莊嚴不可思議方便善巧相應說法世尊我未聞此諸光明名世尊如我解佛所說法義世尊若有菩薩得聞如此諸光明名能生淨信恭敬心者彼諸衆生畢竟定得如來如是光明之身世尊惟願今放請菩薩光覺諸菩薩令他方菩薩善問難者皆悉覺知既覺知已發心來此娑婆世界既來此已問於如來供養如來問答如來尔時世尊既受網明菩薩請已即放光明照於他方無量无边諸佛世界於是諸方無量菩薩依佛光明觸其身故皆來至此娑婆世界尔時東方過七十二恒河沙等諸佛國土有佛國土名曰清潔彼中有佛号月光明如來應正遍知現在現命現住惟為諸菩薩摩訶薩說清淨法彼佛國土

有菩薩勝天名勝思惟住不退輪蒙佛光明解其身已到彼佛所頂禮佛足自言世尊何因何緣於此世界大光明現月光明佛告言梵天西方去此過七十二恒河沙等諸佛世界有佛世界名曰娑婆彼中有佛号釋迦牟尼如來應正遍知現在現命現住為衆說法是彼佛身所放光明為集十方諸大菩薩摩訶薩故梵天言世尊我今欲詣娑婆世界奉見彼佛供養彼佛禮拜親近諮問問答深細意問彼佛世尊亦欲見我其佛告言便往梵天今正是時彼國今有若干千億諸大菩薩現前集會梵天汝今應以十種清淨堅固心遊彼世界所謂於毀於譽心無增減故聞善聞惡等以慈心故於諸愚智等以悲心故於上中下衆生之類意常平等故於輕毀供養心無有一故不見他人功德過失故見種種乘皆是一味故聞三惡道心不驚怖故於諸菩薩生世尊想故佛出五濁生希有想故梵天汝當依此十種清淨堅固心遊彼世界

爾時勝思惟勝天經卷第一 第八及梵天白其佛言世尊然我不敢於如來前作師子吼我所能行佛自知之時月光明如來國土餘諸菩薩白其佛言世尊我得大利不生如是國土不生如是惡衆生中其佛告言諸善男子勿作是語何以故若菩薩於此國中滿百千劫淨修梵行不如於彼娑婆世界從旦至中無瞋導心其福為勝何以故以彼世界多有垢染多有諸難彼諸衆生多有垢染多有鬪諍故即時彼國有萬二千諸菩薩等欲與勝思惟梵天俱共發來而作是言如來知我行菩薩行我等亦欲以此十心一心遊行娑婆世界見釋迦牟尼佛禮拜供養一心定意遊行彼國爾時勝思惟梵天與萬二千諸菩薩等頭面禮拜月光明佛於其國土忽然不現辭如壯士屈申辭頃一剎那頃一羅婆頃一元候多須到娑婆世界釋迦牟尼佛所頭面禮足右遶三匝却住一面爾時佛告網明菩薩言網明汝見勝思惟梵天來不網明菩薩白佛言如是世尊

然已見佛言網明此勝思惟梵天於一切正問諸菩薩中為第一於一切善巧隨意所宜說法諸菩薩中為第一於一切美妙音聲諸菩薩中為第一於一切美妙言語諸菩薩中為第一於一切先意問評諸菩薩中為第一於一切應以言語供養諸菩薩中為第一於一切無障導言言語諸菩薩中為第一於一切無瞋恨心諸菩薩中為第一於一切慈心行諸菩薩中為第一於一切悲心行諸菩薩中為第一於一切喜心行諸菩薩中為第一於一切捨心行諸菩薩中為第一於一切善問疑心諸菩薩中為第一爾時勝思惟梵天與萬二千諸菩薩等頂禮佛足右遶三匝合掌向佛偈讚請曰世尊大名勝 普聞於十方 所在諸如來 無不稱歎者 有諸餘淨國 无三惡道名 捨如是妙土 慈悲故生此 佛名智无減 與諸如來等 以大悲本願 處斯穢惡土 若人於淨國 梵行滿一切 此土須臾間

行慈為取勝 若人於此土 有身口意罪 應墮三惡道 現世受得除 生此土菩薩 不應懷憂惱 設有惡道罪 頭痛則得除 此土諸菩薩 若能守護法 世世所生處 不失於正念 若人欲斷縛 滅煩惱業罪 於此土護法 增益一切智 淨土多億劫 受持清淨戒 於此娑婆國 從旦至中勝 我見安樂國 無量壽佛國 無苦及苦名 彼作福非奇 於此煩惱處 能忍不可忍 亦教他此法 其福為取勝 我禮無上尊 大悲救苦者 能忍惡眾生 說法甚為難 佛集十方界 名聞諸菩薩 聽法無厭者 廣為說佛道 釋梵天四王 諸天龍神等 皆悉欲求法 願隨信樂說 比丘比丘尼 及清信士女 是四眾普集 願時為演說 有樂佛乘者 及聲聞緣覺 佛知其深心 願志為斷疑 不斷佛種者 能出生三寶 為是諸菩薩 我今請法王 名稱普流布 十方菩薩聞 皆悉共來集 願說無上道 法非二乘境 我等信力入 不可思議慧 惟是佛境界 我今有所請 悔過於世尊 如來無復倦 願說菩提道 今時勝思惟 梵天偈讚歎 已白佛言

世尊云何菩薩其心堅固而不疲倦 云何菩薩所言決定而不中悔云何 菩薩增長諸善根云何菩薩無所恐 畏威儀不轉云何菩薩增長諸白法 云何菩薩善知從一地至一地云何 菩薩善知方便教化眾生云何菩薩 隨順諸眾生云何菩薩不失菩提心 云何菩薩能一其心而不散乱云何 菩薩善求於法云何菩薩善出毀禁之 罪云何菩薩善斷諸煩惱云何菩薩 善往諸大衆云何菩薩善開法施云 何菩薩得先因力不失善根云何 菩薩不由他教而能自行六波羅蜜云 何菩薩能轉捨禪定還生欲界云何 菩薩於諸佛法得不退轉云何菩薩 不斷佛種如實修行 今時世尊讚勝思惟大梵天言善哉 善哉梵天善哉梵天汝今善能問於 如來如是之義梵天汝今至心諦聽 我為汝說大梵天言如是世尊願樂 欲聞佛言梵天諸菩薩摩訶薩畢竟 成就四法其心堅固而不疲倦何等 為四一者於諸眾生起大悲心故二

者精進常不懈故三者信解生死如 夢故四者正思惟無等等佛之智慧 故梵天諸菩薩摩訶薩畢竟成就如 是四法其心堅固而不疲倦梵天諸 菩薩摩訶薩畢竟成就四法所言決 定而不中悔何等為四一者決定說 諸法無我故二者決定說諸生處無 有樂者故三者決定常讚大乘故四 者決定說罪福業不失故梵天諸菩 薩摩訶薩畢竟成就如是四法所言 決定而不中悔梵天諸菩薩摩訶薩 畢竟成就四法增長諸善根何等為 四一者持戒故二者多聞故三者布 施故四者出家故是為四法梵天諸 菩薩摩訶薩畢竟成就四法無所恐 畏威儀不轉何等為四一者不畏不 得財利故二者不畏毀辱故三者不 畏惡名故四者不畏苦惱故是為四 法梵天諸菩薩摩訶薩畢竟成就四 法增長諸白法何等為四一者教諸 眾生修行大菩提故二者布施不求 果報故三者守護正法故四者以智 慧教諸菩薩故是為四法梵天諸菩

勝覺大經卷第一第十四段
陸摩訶薩畢竟成就四法善知從一地至一地何等為四一者集諸善根故二者遠離一切諸過參故三者善知方便迴向故四者常勤精進故是為四法梵天諸菩薩摩訶薩畢竟成就四法善知方便教化衆生何等為四一者隨順衆生意故二者於他功德起隨喜心故三者悔過除罪故四者勸請諸佛故是為四法梵天諸菩薩摩訶薩畢竟成就四法隨順諸衆生何等為四一者常求利安一切衆生故二者自捨已樂故三者心和忍辱故四者除捨憍慢故是為四法梵天諸菩薩摩訶薩畢竟成就四法不失菩提心何等為四一者常憶念佛故二者所作善根不離菩提心故三者親近善知識故四者讚歎大乘故是為四法梵天諸菩薩摩訶薩畢竟成就四法能一其心而不散亂何等為四一者遠離聲聞心故二者捨辟支佛心念故三者求法無厭足故四者如所聞法廣為人說故是為四法梵天諸菩薩摩訶薩畢竟成就四法

勝覺大經卷第一第十四段 又
善求於法何等為四一者於法生珍寶想以難得故二者於法生妙藥想療衆病故三者於法生財利想以不失故四者於法生滅苦想至涅槃故是為四法梵天諸菩薩摩訶薩畢竟成就四法善出毀禁之罪何等為四一者得無生忍以諸法內觀故二者得無滅忍以諸法無去故三者得因緣忍觀諸法因緣故四者得無住忍無新无舊故是為四法梵天諸菩薩摩訶薩畢竟成就四法善斷諸煩惱何等為四一者正觀察故二者遠離未來諸障增長諸白法故三者得善法力故四者獨處遠離故是為四法梵天諸菩薩摩訶薩畢竟成就四法善往諸大衆何等為四一者求法不求勝故二者恭敬心無憍慢故三者惟求於法不自顯現故四者教人善法不求名利故是為四法梵天諸菩薩摩訶薩畢竟成就四法善開法施何等為四一者守護法故二者自益智慧亦益他人故三者行善人法故四者示人垢淨故是為四法梵天諸

菩薩摩訶薩畢竟成就四法得先因力不失善根何等為四一者於他關失不見其過故二者於瞋怒人常修慈心故三者常說諸法因緣故四者常念菩提故是為四法梵天諸菩薩摩訶薩畢竟成就四法不由他教而能自行六波羅蜜何等為四一者以施導人故二者不說他人毀禁之罪故三者善知攝法教化衆生故四者達解深法故是為四法梵天諸菩薩摩訶薩畢竟成就四法能轉捨禪定還生欲界何等為四一者其心柔軟故二者得諸善根力故三者善修智慧方便力故四者不捨一切諸衆生故是為四法梵天諸菩薩摩訶薩畢竟成就四法於諸佛法得不退轉何等為四一者堪受無量生死故二者供養無量諸佛故三者修行無量大慈故四者修行無量大悲故是為四法梵天諸菩薩摩訶薩畢竟成就四法不斷佛種如實修行何等為四一者不退本願故二者如實修行故三者於諸善法大欲精進故四者深心行

於佛道故梵天諸菩薩摩訶薩畢竟成就如是四法不斷佛種如實修行說如是等諸四法時二萬二千諸天及人皆發阿耨多羅三藐三菩提心五千菩薩得無生法忍十方世界諸來菩薩供養於佛所散天華周遍三千大千世界積至于膝
爾時網明童子菩薩問勝思惟大梵天言梵天佛說汝於一切正問諸菩薩中為最第一云何菩薩所問為正問耶梵天言網明若菩薩見我故問名為邪問非為正問見他故問名為邪問非為正問分別法問名為邪問非為正問網明若菩薩無我見問盡他見問無法見問名為正問非為邪問復次網明若菩薩以生故問名為邪問以滅故問名為邪問網明若菩薩不以生故問不以滅故問不以是處非處故問名為正問復次網明若菩薩為染故問名為邪問為淨故問名為邪問為生死故問名為邪問為出生死故問名為邪問為涅槃故問名為邪

問網明若菩薩不為染淨故問不為生死出生死故問不為涅槃故問名為正問何以故於法位中無染無淨無生死無涅槃故復次網明若菩薩為得故問非為正問為取故問非為正問為證故問非為正問為分別故問非為正問為知故問非為正問為依止故問非為正問為修故問非為正問為修見故問非為正問是故網明以何處無得無取無證無分別無知無依止無修無修見故問是為正問復次網明若菩薩是善法是不善法是有漏法是有漏法是有罪法是無罪法是有為法是无為法世間法是出世間法網明如是等二法隨所依而問者名為邪問網明若菩薩不見二不見不二無相無相等行問名為正問復次網明若菩薩分別佛問名為邪問分別法問名為邪問分別僧問名為邪問分別佛國土問名為邪問分別眾生問名為邪問分別乘問名為邪問網明若菩薩於法不作一異問者名為正問復次網明

一切法正一切法邪網明菩薩言梵天云何一切法正云何一切法邪梵天言網明諸法不可思議故一切法名為正若不可思議而思議者一切法名為邪一切法寂靜名為正思惟若不信解是寂靜者是即分別諸法若分別諸法則入增上慢若入增上慢隨所分別皆名邪問網明菩薩言梵天云何名為諸法正性梵天言網明諸法離自性離欲際是名正性是諸法正性梵天言是法正性不多網明若有善男子善女人能如是知諸法正性若已知若今知若當知是人無有法已得無有法今得無有法當得何以故佛說無得無分別名為所作已辦相網明若有善男子善女人得聞如是諸法正性勤行精進是名如實修行彼人不戲諸法若不戲諸法彼人無有法得若無有法得彼人不住世間不住涅槃何以故諸佛不得生死不得涅槃故
網明菩薩言梵天如來可不為度生

勝覺天經卷第一第十九
 死故說法耶梵天言佛所示法有度
 生死耶答言無也如來不令衆生離
 於世間亦不令衆生得於涅槃梵天
 言善男子以是因緣當知如來不令
 衆生出於生死入於涅槃但為化度
 妄想分別生死涅槃二相者耳此中
 實無出於生死至涅槃者何以故諸
 法平等實無有人往來生死亦無有
 人入於涅槃無染無淨故

尔時世尊讚勝思惟大梵天言善哉
 善哉梵天善哉梵天若有欲說諸法
 正性應當如汝之所說也說是法時
 二千比丘不受諸法漏盡心得解脫
 如來復告大梵天言梵天我不得生
 死不得涅槃何以故如來雖說生死
 實無有人往來生死雖說涅槃實無
 有人得涅槃者若有得入如此法門
 當知是人非生死相非涅槃相念時
 會中五百比丘即從坐起而作是言
 若無世間无涅槃者我等便為空修
 梵行為何義故修行正道諸禪三昧
 三摩跋提
 尔時網明菩薩法王子白佛言世尊

勝覺天經卷第一第二十五
 若有於法而起生見起滅見者世尊
 彼人不過生死則於其人佛不出世
 世尊若有決定見涅槃者彼人亦不
 度生死亦不得涅槃何以故世尊言
 涅槃者名為除滅諸相遠離一切動
 一切我想一切發一切戲故世尊是
 諸比丘已於如來正法出家而今墮
 在外道邪見於涅槃樂中求決定相
 譬如從麻出油從酪出酥世尊若人
 於諸法寂滅相中求涅槃者我說是
 輩為增上慢邪見外道世尊正行道
 者於寂滅法不作生相不作滅相無
 得无果尔時網明菩薩法王子問勝
 思惟大梵天言是五百比丘從此衆
 座而起去者去何而為作諸方便引
 導其心入此法門今得信解離惡邪
 見梵天言善男子縱令使去至恒河
 沙諸佛國土不能得出如此法門譬
 如癡人畏於虛空捨空而走在所至
 處不離虛空此諸比丘亦復如是雖
 復遠去不出空相不出無相相不出
 无願相又譬如人求索虛空東西馳
 走言我欲得空我欲得空於空中行

勝覺天經卷第一第二十五
 而不見空此諸比丘亦復如是欲求
 涅槃行涅槃中而不得涅槃何以故
 言涅槃者但有名字猶如虛空但有
 名字不可得取涅槃亦尔但有名字
 而不可得尔時五百比丘問說是已
 不受諸法漏盡心得解脫得神通已
 而作是言世尊若人乃於諸法畢竟
 寂滅相中求涅槃者則於其人佛不
 出世世尊我等今者非凡夫非學非
 無學非阿羅漢不在世間不在涅槃
 何以故以離一切動一切我想一切
 發一切戲故名為諸佛出世尔時長
 老舍利弗問諸比丘言汝等今者真
 是沙門所作自利皆志已辦耶諸比
 丘言長老舍利弗我等今者得諸煩
 惱染不可作而作舍利弗言汝諸長
 老以何意故如是說耶諸比丘言舍
 利弗我等以知諸煩惱相是故說言
 得諸煩惱染不可作而作舍利弗我
 意在此故如是說我已得諸煩惱染
 不可作而作舍利弗言善哉善哉汝等
 今者住於福田能消供養諸比丘言
 舍利弗大師世尊猶尚不能消諸供

養何況我等能消供養舍利弗言汝以何故作如是說諸比丘言舍利弗大師世尊知見法性性常淨故亦時勝思惟梵天白佛言世尊誰是世間應受供養佛言梵天不為世法之所牽者勝思惟大梵天言世尊誰能消諸供養佛言梵天謂於諸法無所取著者梵天言世尊何者清淨堪為福田能受供養佛言梵天謂不壞善提心者梵天言世尊誰為衆生善知識耶佛言梵天謂於一切衆生不捨慈心者梵天言世尊誰知報佛恩佛言梵天謂不斷佛種者梵天言世尊云何供養於佛佛言梵天以通達無生際故梵天言世尊誰能親近於佛佛言梵天乃至失命因緣不毀禁戒者世尊誰能恭敬於佛佛言善護六根者世尊於世間中誰名財富佛言成就七財者世尊誰名知足佛言得出世間勝般若者世尊誰為遠離佛言於三界中無所願者世尊誰為世間無諸惡行佛言能斷一切諸結使者世尊誰名樂人佛言無貪著

者世尊誰能到彼岸佛言能捨六入者世尊誰能住彼岸佛言梵天到平等道者世尊云何諸菩薩能增長施佛言菩薩能為衆生說一切智心故世尊云何諸菩薩能奉持戒佛言常能不捨善提心故世尊云何諸菩薩能行忍辱佛言以見一切智心無盡故世尊云何諸菩薩能行精進佛言觀察一切智心不得故世尊云何諸菩薩能行禪定佛言能覺一切智心自性清淨故世尊云何諸菩薩能行般若佛言於一切法元諸戲論故世尊云何諸菩薩能行慈心佛言不生衆生想故世尊云何諸菩薩能行悲心佛言不生法想故世尊云何諸菩薩能行喜心佛言不生我想故世尊云何諸菩薩能行捨心佛言不生彼我想故世尊云何諸菩薩安住於信佛言信一切法無言語故世尊云何諸菩薩住於聞慧佛言不著一切名字法故世尊云何諸菩薩住於有慚佛言知見內法故世尊云何諸菩薩住於有愧佛言捨於外入故世尊云

何名為菩薩遍行一切功德處佛言能淨身口意業令時世尊而說偈言身淨無諸惡口淨無妄語心淨離諸垢是菩薩遍行觀不淨無貪行慈無瞋志行智故無癡是菩薩遍行若在聚空野及與處大衆威儀終不轉是菩薩遍行信知法為佛信離名為法信知無為僧是菩薩遍行知多欲所行多瞋癡所行善知轉此行是菩薩遍行不依止欲界不住色无色行如是禪定是菩薩遍行知解諸法空及無相無願而不盡諸漏是菩薩遍行善知聲聞乘及辟支佛乘通達於佛乘是菩薩遍行明解於諸法不疑道非道憎愛心平等是菩薩遍行於過去未來及與現在世一切無分別是菩薩遍行

勝思惟梵天所問經卷第一

癸卯歲高麗國大藏都監奉
勅彫造

勝思惟梵天所問經卷第一

校勘記

- 一 底本，麗藏本。
- 一 一六六頁上二行譯者，**資、磧、徑、清**作「元魏天竺沙門統大乘論師菩提留支譯」；**普、南**作「元魏天竺沙門統大乘論師菩提留支第三譯」，以下各卷同。
- 一 一六六頁上三行「歸命一切諸佛菩薩」，**資、磧、普、南、徑、清**無。
- 一 一六六頁中二行第四字「日」，諸本作「日」。
- 一 一六六頁中二〇行末字「思惟」，**資、磧、普、南、徑、清**作「惟念」。
- 一 一六七頁中五行第一〇字「忘」，**普、南、徑、清**作「妄」。
- 一 一六七頁中八行第五字「垢」，**普、南、徑、清**作「始」。
- 一 一六七頁下九行「菩薩」，**資、磧、普、南、徑、清**作「衆生」。
- 一 一六八頁上一行第一三字「輪」，**資、磧、普、南、徑、清**作「轉」。
- 一 一六八頁上一行第八字「諮」，**資、磧**作「請」。
- 一 一六八頁上一九行第九字至二〇行第三字「不見他人功德過失故」，**普、南**作「於他闕失不見其過故」。
- 一 一六九頁上一三行「天四王」，**資、磧、普、南、徑、清**作「四天王」。
- 一 一六九頁上二〇行第一〇字「入」，**資、磧**作「人」。
- 一 一六九頁上二二行第五字「倦」，**資、磧、普、南、徑、清**作「倦」，下同。
- 一 一六九頁中一一行第二字「往」，**資、磧、普、南、徑、清**作「住」。
- 一 一六九頁下八行第三字「者」，**普、南、徑、清**作「著」。
- 一 一七〇頁上一七行第一一字「歎」，**普**作「歡」。
- 一 一七〇頁上二〇行第九字「心」，**資、磧、普、南、徑、清**作「心念」。
- 一 一七〇頁中一六行第二字「往」，**資、磧、普、南、徑、清**作「住」。
- 一 一七〇頁下二二行第九字「實」，**資、磧、普、南、徑、清**作「說」。
- 一 一七二頁中一三行第一三字「問」，**普、南、徑、清**作「謂」。
- 一 一七三頁上一五行第五字「故」，**資、磧、普、南、徑、清**作「者」。
- 一 一七三頁下七行「知無爲」，**資、磧、普、南、徑、清**作「無爲名」。

勝思惟梵天所問經卷第二 及

元魏天竺三藏菩提流支譯

尔時勝思惟梵天白佛言世尊云何
菩薩過世間法現住世間法而不為
彼世法所染如實善知世間諸法隨
世間法而不為世間法之所染教化
衆生令離世間得世間法平等行於
世間而不壞世間法尔時世尊即以
偈頌答梵天曰

我說陰是世 世間所依止 不依止五陰
得脫世間法 菩薩有智慧 知世間實性
雖五陰相應 而不為陰染 得失及稱譏
毀譽苦樂等 如此之八法 常牽於世間
大智慧菩薩 如實知世法 見世敗壞相
處之而不動 得利心不高 失利心不下
其心堅不動 不隨世間法 得失及毀譽
稱譏苦樂等 於此世八法 其心常平等
知世間虛妄 依二顛倒起 菩薩點慧人
不行世間道 世間所有道 菩薩皆識知
故能於世間 度衆生苦惱 雖行於世間
如蓮華不染 亦不壞世法 通達法性故
世間行世間 不知是世間 菩薩行世間

世間虛空相 虛空亦無相

明了世間相 世間虛空相 虛空亦無相
菩薩如是知 不染於世間 如所知世間
隨知而演說 知世間性故 而不壞世間
五陰無自性 是即世間性 若人不知是
常住於世間 若見知五陰 无生亦無滅
是人行世間 而不依世間 凡夫不知法
於世起諍訟 是實是不實 住是二相中
我常不與世 起於諍訟事 世間之實相
忘已了知故 諸佛所說法 皆忘无諍訟
知世平等故 非實非妄語 若佛法決定
有實有妄語 是即為貪著 與外道无异
而今佛法中 無實无妄語 是故我常說
出世法無二 若人知世間 如是之實性
於實於虛妄 不取此惡見 如是知世間
清淨如虛空 是大名稱人 照世間如日
若人見世間 如我之所見 如斯之人等
能見十方佛 諸法從緣生 自無有定性
若知此因緣 則達法實相 若知法實相
是則知空相 若能知空相 則為見導師
若有人得聞 如是世間相 雖行於世間
而不住世間 依止諸見人 不能及此事
去何行世間 而不依世間 若佛滅度後
有樂是忍著 佛則於其人 常現於世間

若人解達此 則守護我法 亦為供養我

若人解達此 則守護我法 亦為供養我
亦是世導師 若人須臾間 世間性如此
是人終不為 惡魔所得便 若能達此義
則為大智慧 是人為大富 法財之施主
若知世如此 亦是具禁戒 彼忍力勇健
進取大精進 具足諸禪定 獲得大神通
智慧如寶知 一切世間道 若能如是行
彼成就三昧 樂於寂靜處 則起於般若
隨聞是法處 則有佛不空 如是諸菩薩
不久坐道場 若有深知見 如是世間性
則能降衆魔 疾得無上道
如來復告聖勝思惟大梵天言梵天
如來出過世間而說世間世間集世
間滅世間滅道梵天言世間者我說
五陰名為世間貪著五陰名為世間
集五陰盡名為世間滅觀察五陰不
見二法名為世間滅道復次梵天所
言五陰五陰者但有言說於中取言
語邪見名為世間不捨是見名世間
集是見自相名世間滅隨以何道不
取是見名世間滅道梵天我意在此
是故我今即此一尋身中說世間苦世
間集世間滅世間滅道尔時勝思惟

梵天白佛言世尊如佛所說四聖諦勝梵天經卷第二第四段者未知何等是實聖諦佛言梵天所言苦諦非實聖諦梵天所言苦集諦非實聖諦梵天所言滅苦道諦非實聖諦梵天若彼苦是實聖諦者一切牛猪諸畜生等應有實諦何以故以彼皆受種種苦故以是義故苦非實諦梵天若彼集是實聖諦者六道眾生應有實諦何以故以彼因集生諸趣故以是義故集非實諦梵天若彼滅是實聖諦者一切世間墮邪斷見說滅法者應有實諦何以故彼說滅法為涅槃故以是義故滅非實諦梵天若彼道是實聖諦者緣於一切有為道者應有實諦何以故以彼依有為法求離有為法故以是義故道非實諦梵天是故當知苦諦集諦滅諦道諦非實聖諦梵天實聖諦者知苦无生是名苦實聖諦知集無和合是名集實聖諦於畢竟滅法中知无生無滅是名滅實聖諦於一切法平等以不二法得道是名道實聖諦梵天實

聖諦者非妄語非實語梵天何者是妄語所謂著我著衆生者命著丈夫著人者常見著斷見者有見者離有見者生見著滅見著生死見著涅槃見梵天是名妄語梵天若不著如是見不觸如是見不取如是見是名為實語梵天若行者言我知苦是名妄語若行者言我斷集是名妄語若我修道是名妄語何以故以不隨順佛所許念故名妄語梵天云何隨順佛所許念謂不憶念一切諸法若不憶念一切諸法是名隨順佛所許念若行者住是念中則不住一切相若不住一切相則住實際若住實際是名不住心若不住心是人名為非實語非妄語者梵天是故當知若非實語非妄語者是名聖人實聖諦也梵天言實實者古今實故若佛出世若不出世法性常如是法界恒如是世間涅槃亦如是常如是故名為實聖諦何以故非離生死名為聖諦亦非令取涅槃名為聖諦梵天若人證如

是四諦是名實語者梵天於當來世有諸比丘不修身不修戒不修心不修慧是人說生相是苦諦衆緣和合是集諦滅法是滅諦以不二法求相是道諦梵天我說彼愚癡人是外道徒黨墮於惡道我非其師彼人非我聲聞弟子如是之人隨外邪道破失法故說言有諦梵天且觀我坐道場時不得一法是實是妄語若佛不得法是法寧可於衆中有言說有論義有教化耶梵天言不也世尊佛言梵天以諸法無所得故諸法離自性故我菩提是无貪愛相

今時勝思惟梵天白佛言世尊若如來於法无所得者以何義故說如來坐道場名為佛證何法故說如來名為應正遍知佛言梵天於汝意云何我所說法若有為若无為是法為實為虛妄耶梵天言世尊是法虛妄非實修伽陀是法虛妄非實佛言梵天於汝意云何若法虛妄非實是法為有為無梵天言世尊若法虛妄是法不應說有不應說无佛言梵天於汝

意云何若法非有非無是法有得者
不梵天言世尊若法無者彼法不得
言有不得言無佛言梵天若法非有
非无彼法云何證梵天言世尊彼法
不證佛言梵天如来坐道場時唯知
虛妄顛倒所起諸煩惱染畢竟不生
以無所得故得以无所知故知何以
故梵天我所得法不可見不可聞不
可覺不可識不可憶不可取不可著
不可說不可難出過一切境界無語
无說無行不求无有文字無言語道
非識境界无字非言語所說梵天彼
法如是猶如虚空汝乃欲於如是法
中而得證耶梵天言不也世尊諸佛
如来甚為希有成就不可思議未曾
有法深入大慈大悲得如是寂滅相
法而以文字語言教人令得世尊者
有衆生得聞是法能信解者當知是
人不從小功德來何以故世尊是法
一切世間之所難信何以故世間不
能信如是法故佛言梵天云何是法
一切世間之所難信梵天言世尊世
間貪著諦而是法無如是此法非實

非妄語世間貪著法而是法無法无
非法世間貪著涅槃而是法无生死
無涅槃世間貪著善法而是法无善
无非善世間貪著樂而是法无苦無
樂世間貪著佛出世而是法无佛出
世亦無涅槃雖有說法而是法非可
說相雖讚歎僧而僧即是無為是故
此法一切世間之所難信世尊譬如
水中出火火中出水難可得信如是
煩惱中有菩提菩提中有煩惱是亦
難信何以故如来得是虛妄煩惱之
性無法可證有所說法而不可見雖
有所知而無分別雖證涅槃而無所
知雖修諸行而不作二相雖有證法
而无所證雖滅諸障而无所滅世尊
若善男子善女人有能信解如是法
義當知是人得脫諸見當知是人供
養諸佛以曾親近无量諸佛故當知
是人得善人護以為一切諸善知識
所護念故當知是人信大妙法以妙
善根得增上故當知是人善得法財
太妙寶藏以能守護佛法藏故當知
是人隨順作業以能善作所作法故

當知是人種姓尊貴以得生於如来
家故當知是人能行大捨以捨一切
諸煩惱故當知是人得持戒力以無
起心破戒法故當知是人得忍辱力
以是人能捨身命故當知是人得精
進力以是人心不疲倦故當知是人
得禪定力以燒一切不善法故當知
是人得智慧力以離一切惡行見故
當知是人不能為他欺以過一切惡魔
境故當知是人不能伏以離一切
諸對敵故當知是人不能誑世間以
其不誑諸如来故當知是人是真語者
諸法自性善能說故當知是人實
語者說第一義實法相故當知是人
得善護念以諸如来所護念故當知
是人柔和軟善以同止住善安樂故
當知是人名為大富以是人具有聖法
財故當知是人常能知足以其具足
行聖種故當知是人易滿易養以如
是人離貪食貪故當知是人得安忍力
以如是人到彼岸故當知是人為能
度者以是人能度未度故當知是人
為能解者以是人能解未解故當知

勝梵天經卷第二 第十張及

解

是人為能安者以是人能安未安故
 當知是人為能滅者以令未脫得解
 脫故當知是人為能示者以能為人
 示正道故當知是人知正道者以是
 人能脫未脫故當知是人為大醫王
 以能善知諸法藥故當知是人為如
 良藥以療眾生煩惱病故當知是人
 為有大力以是人智慧力故當知
 是人有不退力以有堅固畢竟法故
 當知是人有人有精進力以常修行不依
 他故當知是人為如師子以離怖畏
 毛豎等故當知是人猶如大龍以是
 人心善調柔故當知是人為如大象
 以其善能調伏心故當知是人為如
 牛王以其善能導大衆故當知是人
 為大勇健以能破壞諸魔怨故當知
 是人為不畏者以得遠離大衆畏故
 當知是人無所畏懼以是人得無畏法
 故當知是人無所忌難以是人能說
 諦法故當知是人為如明月以得滿
 足諸白法故當知是人照明如日以
 智慧光能照明故當知是人為如燈
 炷以離一切諸闇冥故當知是人心

勝梵天經卷第二 第十一張及

解

堅如地以得遠離憎愛心故當知是
 人平等如地以能容受諸衆生故當
 知是人不住如風以其不著一切法
 故當知是人能淨如水以蕩一切煩
 惱垢故當知是人為如猛火以燒一
 切諸動念故當知是人如須弥山以
 其堅固不可動故當知是人金剛堅
 固如鐵圍山不可壞故心堅固故當
 知是人不可降伏以一切怨不能伏
 故當知是人不可度量以非二乘所
 度量故當知是人豐寶如海以其多
 饒正法寶故當知是人為如大海以
 盡一切諸煩惱故當知是人為不歇
 足以常求法不歇足故當知是人為
 滿足者以有智慧知足法故當知是
 人如轉輪王以是人能轉法輪故當
 知是人如帝釋王以如是人住持色
 汝當知是人如梵天王以如是人得
 自在故當知是人為降大雨以是人
 能雨法雨故當知是人為降甘露以
 甘露法雨衆生故當知是人能自增
 長以得諸根力覺分故當知是人為
 到彼岸以能出過世間溺故當知是

勝梵天經卷第二 第十三張及

解

人為入彼岸以其能入佛智慧故當
 知是人則為近到以其得近佛菩提
 故當知是人則為無等以足智慧增
 上滿故當知是人為無等等以有聞
 慧無等等故當知是人不可測量以
 過諸量非可測故當知是人无有障
 碍以樂說辯无滯著故當知是人憶
 念堅固以得具足聞持力故當知是
 人則為能去以是人得義隨順故當
 知是人為得善意以能觀察入正法
 故當知是人善知衆生以是人得衆
 生心故當知是人勤行精進以為利
 安諸世間故當知是人為已出世以
 是人心過世間故當知是人為不可
 汙以心無染如蓮華故當知是人不
 為所覆以世八法所不覆故當知是
 人為得快愛以諸點慧之所愛故當
 知是人為可貴重有多聞慧可貴重
 故當知是人為他供養以智慧人之
 所知故當知是人所應供養以諸天
 人所供養故當知是人可歸命以
 諸衆生所歸命故當知是人善人所
 貴以諸聖人所歸敬故當知是人則

為可求以二乘人所供養故當知是人遠離所求以離一切二乘行故當知是人為不諂曲以無點汙諂曲法故當知是人則為端正以具威儀倜成就故當知是人最為可愛以過世間一切色故當知是人為可依以有威德得具足故當知是人莊嚴具足以有諸相莊嚴身故當知是人間錯其身以有八十隨形好故當知是人則為能護以是人能護佛種故當知是人則為能收以得不斷佛法種故當知是人能遮諸惡以其常能護聖僧故是人諸佛見是人得法眼是人諸佛佛智記是人滿足三忍是人滿足道場是人能降伏眾魔是人已得一切智是人能轉法輪是人能作佛所作事世尊若有善男子善女人得聞如是甚深法義聞已不驚不增上驚不上上驚是人則得如是功德世尊我以一切若餘殘劫說彼善男子善女人所得功德猶不可盡若諸佛菩提如是難知難見難覺能信能取能受能持能讀能誦為他廣說如

是等法既能自住復令他人住是法中今時如來告勝思惟大梵天言梵天汝少分知彼諸菩薩摩訶薩色及功德而讚歎之如佛所知以我具足有無障導佛之智故梵天彼善男子善女人有如是等无量功德復有無量過於是者若有能知如來所說甚深之法解義解句及解字者則能證知彼甚深意隨順不違隨順相應非不相應能解其義不隨名字如是菩薩知所說法以依何等言語如來說法以依何等意如來說法以依何等方便如來說法以依何等入如來說法以依何等大悲如來說法梵天若有菩薩知此如來五力行智是菩薩於諸眾作住持事梵天言世尊何者如來五力行智佛言梵天一者言語說法二者意說法三者方便說法四者入說法五者入大悲說法梵天如是名為如來所用五力行智此深法中非諸聲聞辟支佛等所知境界梵天言世尊云何菩薩知如來言語說法佛言梵天如來說過去法說未

來法說現在法說滌法淨法說善法不善法說世間法出世間法說有漏法無漏法說有罪法無罪法說有為法無為法說我眾生人丈夫法說得證法說生死法涅槃法梵天當知是諸言說如說幻事應知以无決定故說如夢事虛妄見故如響聲說從空聲出故言說如影因緣合故言說如印不轉入故所說如焰顛倒見故如說虛空不生不滅故無說可說應知以無言語故梵天若菩薩能知如是諸說法者是菩薩雖有一切言語說法而於諸法無所言說以不貪著法故得無障導樂說辯才以是辯才乃至若於恒河沙等劫種種說法無盡無算諸有所說不離法界故不執著差別之相梵天是名如來言語說法梵天云何菩薩知如來甚深意力方便說法梵天如來或滌法說淨或淨法說滌菩薩於此如來深意應如是知梵天云何如來滌法說淨梵天以不見滌法體故如是如來滌法說淨梵天云何如來淨法說滌梵天以不見

勝樂天經卷第二 第十六張 及字

勝樂天經卷第二 第十七張 及字

勝樂天經卷第二 第十八張 及字

淨法體故如是如來淨法說深

復次梵天我依布施即示涅槃凡夫

無智不能善解隨意所說唯諸菩薩

善知我意應如是信深善法意作是

思惟行布施者於未來世得大富貴

而此法中無有一法可從一念至於

一念轉至後世以彼涅槃非轉法故

若無一法可從一念至於一念轉至

後世即是一切諸法實相諸法實相

即是涅槃持戒是涅槃不作不起故

忍辱是涅槃以念念滅故精進是涅

槃無所取捨故禪定是涅槃以不貪

味故般若若涅槃以不得相故貪欲

是實際法性無欲相故瞋恚是實際

法性無瞋相故愚癡是實際法性無

癡相故世間是涅槃無退無生故涅

槃是世間以其執著故實語是虛妄

以生語見故虛妄是實語為增上憍

入故

復次梵天如來以隨意故或自說言

我是說常邊者或自說言我是說深

者或自說言我是說斷邊者或自說

言我是說無業者或自說言我是說

無業者或自說言我是邪見者或

自說言我是不信者或自說言我是

不知恩者或自說言我是劫盜者或

自說言我是吐者或自說言我是不

受者而如來無有如此諸事梵天當

知是為如來隨意以依何意憍慢眾

生能捨我慢梵天如來依如是深意

說法梵天若菩薩知如來隨行方便

說者若聞佛出世則能信受示眾生

善業色身果報故若聞佛不出世亦

信受以是諸佛法性身故若聞佛說

法亦信受以為喜樂文字眾生故若

聞佛不說法亦信受諸佛法性不可

說故若聞有涅槃亦信受以滅顛倒

所起煩惱故若聞無涅槃亦信受諸

法不生不滅相故若聞有眾生亦信

受入世諦門故若聞無眾生亦信受

入第一義故梵天菩薩摩訶薩如是

善知如來隨行方便說法於諸言說

音聲無畏應知亦能利益無量眾生

梵天云何菩薩知如來方便說法梵

天如來為眾生說布施得大富故持

戒得生天故忍辱得端正故精進得

具智故禪定得寂靜故慧捨諸煩惱

故多聞得智慧故行十善業道得人

天富樂成就故慈悲喜捨得生梵世

故奢摩他得毗婆舍那故學地得無

學地故辟支佛地清淨消諸供養故

佛地示無量智故涅槃滅一切苦惱

故梵天我以如是善巧方便為諸眾

生讚說是法如來實不得我眾生壽

命及丈夫等應知而如來亦不見布

施不見布施果亦不見慳不見慳果

亦不見持戒不見持戒果亦不見毀

戒不見毀戒果亦不見忍辱不見忍

辱果亦不見瞋恚不見瞋恚果亦不

見精進不見精進果亦不見懈怠不

見懈怠果亦不見禪定不見禪定果

亦不見亂心不見亂心果亦不見般

若不見般若果亦不見愚癡不見愚

癡果亦不見苦樂亦不見苦樂果亦

不見須陀洹不見須陀洹果乃至不

見菩提不見涅槃果梵天如來常為

眾生說法而諸眾生依如來教如所

說法如實修行勤修諸行為何義修

行勤行彼行而諸眾生修行彼法而

不能得而不能證所謂須陀洹行乃至阿羅漢果乃至不得緣覺之地不得阿耨多羅三藐三菩提乃至不得涅槃以是義故彼諸眾生不得涅槃不見涅槃梵天是名如來方便說法梵天諸菩薩摩訶薩應勤修行為令眾生攝取妙法

梵天云何菩薩知如來入說法梵天眼是入解脫門如是耳鼻舌身意是入解脫門何以故眼空無我无我所自性亦故耳鼻舌身意空無我无我所自性亦故梵天當知諸入皆是入解脫門應知正行則不誑故如是色聲香味觸法皆是入解脫門所謂空門無相門无願門不行門不生不滅門无所從來無所至去門不退不生門自性清淨寂靜門復次梵天如來於一切名字示是解脫門何以故以諸名字無合无用故以自性頑故梵天當知如來即於一切諸文字中說於聖諦應知即於一切所說法中說解脫門梵天无有名字言語說法諸佛如來不說實諦梵天如來說法無

有法染一切所說法中示解脫門令入證智令入涅槃梵天是名如來入說法門梵天菩薩摩訶薩應學此法梵天云何如來以大悲心普為一切眾生說法梵天如來具有三十二種相應大悲普為一切眾生說法何等名為三十二種相應大悲梵天所謂一切法無我而諸眾生不信不解計言有我如來於此諸眾生等而起大悲一切法無眾生而諸眾生計有眾生如來於此諸眾生等而起大悲一切法無壽者而諸眾生計有壽者如來於此諸眾生等而起大悲一切法無丈夫而諸眾生計有丈夫如來於此諸眾生等而起大悲一切法无所而有而諸眾生住於有見如來於此諸眾生等而起大悲一切法無住而諸眾生住於諸法如來於此諸眾生等而起大悲一切法無歸處而諸眾生樂於歸處如來於此諸眾生等而起大悲一切法非我所而諸眾生著於我所如來於此諸眾生等而起大悲一切法無所屬而諸眾生計有所屬

如來於此諸眾生等而起大悲一切法無取相而諸眾生皆有取相如來於此諸眾生等而起大悲一切法無生而諸眾生住於有生如來於此諸眾生等而起大悲一切法無退生而諸眾生住於退生如來於此諸眾生等而起大悲一切法無染而諸眾生染著諸法如來於此諸眾生等而起大悲一切法離貪而諸眾生悉皆有貪如來於此諸眾生等而起大悲一切法離瞋而諸眾生悉皆有瞋如來於此諸眾生等而起大悲一切法離癡而諸眾生悉皆有癡如來於此諸眾生等而起大悲一切法無所從來而諸眾生著所從來如來於此諸眾生等而起大悲一切法无所至去而諸眾生著於後生如來於此諸眾生等而起大悲一切法無作而諸眾生皆有所作如來於此諸眾生等而起大悲一切法無戲論而諸眾生有諸戲論如來於此諸眾生等而起大悲一切法空而諸眾生墮於有見如來於此諸眾生等而起大悲一切法無

勝覺天經卷第二第二十二張及字

相而諸眾生取著於相如來於此諸眾生等而起大悲一切法無願而諸眾生皆有所願如來於此諸眾生等而起大悲一切世間眾生常共瞋嫌諍鬪如來於此諸眾生等而起大悲一切世間邪見顛倒行於邪道為欲令其住正道故如來於此諸眾生等而起大悲一切世間墮於顛倒墮於險難住於非道為欲令其入實道故如來於此諸眾生等而起大悲一切世間眾生常為慳貪所縛不知厭足奪他財物以為教化令住聖財信戒聞捨慧慚愧故如來於此諸眾生等而起大悲一切世間眾生常為財物屋宅妻子恩愛而作僮僕於此危脆無堅之物生堅固想為欲令彼畢竟定知悉无常故如來於此諸眾生等而起大悲一切世間凡夫眾生身為怨賊而常貪著供養恭敬名稱讚歎以為親友眾生雖謂是善知識而是眾生惡知識也為作親友真善知識令其畢竟斷於眾苦畢竟獲得涅槃樂故如來於此諸眾生等而起大悲

勝覺天經卷第二第二十三張及字

一切世間眾生皆樂行欺誑業田宅等中邪命自活以為說法令行正命出三界故如來於此諸眾生等而起大悲一切諸法皆從因緣勤修諸行乃得成就而諸眾生墮於懈怠是故不能得聖解脫為令勤進獲得解脫堅固法故如來於此諸眾生等而起大悲梵天眾生棄捨無上大乘无導勝法勝涅槃法而求下劣小乘之法所謂聲聞辟支佛乘為彼眾生令知愛樂大乘之法所謂令知觀察佛乘故如來於此諸眾生等而起大悲梵天如來如是於諸眾生行三十二大悲之心以是義故如來名為行大悲者若菩薩於眾生中常能修集此三十二大悲心者是菩薩摩訶薩則得名為大福田也具大威德得為不退為諸眾生利益應知

說是大悲法門品時三万二千人皆發阿耨多羅三藐三菩提心八千菩薩得無生法忍七万二千天子得離垢法眼

尔時網明童子菩薩白佛言世尊此

勝覺天經卷第二第二十四張及字

勝思惟梵天云何聞是大悲法門相應說法而不喜悅梵天言善男子若識在二法則有喜悅若識在無一實際法中則无喜悅善男子譬如如來所作幻人聞於如來所說法事不喜不悅如是善男子知一切法皆如幻相故於如來不生勝想於餘眾生不生劣想網明菩薩問梵天言善男子知一切法云何名為如幻相耶答言善男子若人分別一切諸法行二處者汝當問之問言梵天汝於何處行耶答言善男子隨諸凡夫以何處行吾於彼行網明菩薩言梵天凡夫之人行於貪瞋愚癡身見戒取疑網我我所等所求邪進善男子汝豈可於是處行耶梵天問言善男子汝欲得凡夫法決定相耶答言梵天我尚不見有諸凡夫何況其法梵天問言善男子若是諸法無決定者汝心云何有彼貪欲瞋恚愚癡諸法耶答言無也梵天言善男子一切諸法離於貪欲瞋恚相行相亦如是善男子所有凡夫行即是賢聖行無二无

差別善男子一切行非行一切說非說一切道非道曰何謂一切行非行善男子若人行道千萬億劫然於法性不增不減故一切行非行曰何謂一切說非說善男子如來以不可說相說一切法故一切說非說曰何謂一切道非道善男子以無所至故一切道非道尔時世尊讚勝思惟大梵天言善哉善哉梵天善哉梵天若欲說法當如是說

勝思惟梵天所問經卷第二

勝思惟梵天所問經卷第二

校勘記

- 一 底本，麗藏本。此卷金藏廣勝寺本存十三版，今選用一七九頁下至一八三頁上共十一版。
- 一 一七五頁上二一行第一〇字「法」，
[資、磧、普、南、徑、清]作「間」。
- 一 一七五頁中一二行第三字「佛」，
[資、磧、普、南、徑、清]作「實」。
- 一 一七五頁下二行第一〇字「間」，
[徑]作「聞」。
- 一 一七五頁下一〇行第九字「知」，
[資、磧、普、南、徑、清]作「智」。
- 一 一七五頁下一二行第五字「聖」，
[徑、清]無。
- 一 一七五頁下一四行第五字「滅」，
[磧、普、南、徑、清]無。
- 一 一七五頁下二二行第一四字「苦」，
[資、磧、普、南、徑、清]無。
- 一 一七六頁中一一行第三字「許」，
[資]作「計」，下同。
- 一 一七六頁下四行第一〇字「不」，
[資、磧、普、南、徑、清]無。
- 一 一七六頁下七行第八字「隨」，
[資、磧、普、南、徑、清]作「墮」。
- 一 一七六頁下一〇行第一三字「義」，
[徑、清]作「議」。
- 一 一七七頁上一一行第五字「不」，
[南、徑、清]作「無」。
- 一 一七七頁上一二行第一三字「天」，
[普]作「大」。
- 一 一七八頁下一五行首字「汗」，
[磧]作「汗」。
- 一 一七八頁下末行第七字「歸」，
[資、磧、普、南、徑、清]作「貴」。
- 一 一七九頁上七行第四字「得」，
[資、磧、普、南、徑、清]作「德」。
- 一 一七九頁上一四行第四至五字「佛智」，
[資、磧、普、南、徑、清]無。
- 一 一七九頁下一七行第四字「相」，
[資、磧、普、南、徑、清、麗]作「相故」。
- 一 一七九頁下一八行第一三字「力」，
[資、磧、普、南、徑、清]無。

一 一七九頁下末行第一四字「不」，
資、磧、普、南、徑、清無。

一 一八〇頁上一八行第三字「語」，
資、磧、普、南、徑、清、麗作「諸」。

一 一八〇頁中一〇行末字「亦」，資、
磧、普、南、徑、清作「亦能」。

一 一八〇頁下一行第一〇字「慧」，
磧、普、南、徑、清作「智慧」。

一 一八〇頁下四行第四字「陟」，資、
磧、普、南、徑、清作「他」。

一 一八〇頁下一八行第六字「苦」，
資、磧、普、南、徑、清無。

一 一八〇頁下一八行「樂果」，資、
磧、普、南、徑、清無。

一 一八一頁下二〇行第八字「論」，
磧作「喻」。

一 一八二頁上五行「諍鬪」，資、磧、
普、南、徑、清作「鬪諍」。

一 一八二頁上一六行第八字「想」，
麗作「相」。

一 一八二頁中一行第一二字「業」，
資、磧、普、南、徑、清作「若」。

一 一八二頁下三行第一三字「一」，
資、磧、普、南、徑、清、麗作「二」。

一 一八二頁下一五行「邪進」，資作
「耶道」；磧、普、南、徑、清、麗作
「邪道」。

一 一八二頁下一五行「豈可」，資作
「以行」。

一 一八二頁下末行第五字「夫」，資、
磧、普作「法」。

一 一八三頁上九行第五至六字「善
哉」，資無。



勝思惟梵天所問經卷第三

及

无魏天竺三藏菩提流支譯

尔時網明童子菩薩謂勝思惟大梵
 天言善男子汝說一切凡夫行處吾
 於彼行者見有行相梵天言善男子
 若我有所生處應有行相問言梵天
 汝若不生云何教化諸衆生耶梵天
 答言佛所化生吾如彼生網明菩薩
 言佛所化生无有生處梵天問言寧
 可見不答言梵天以佛力故見梵天
 言善男子我生亦如是以業力故網
 明菩薩問言梵天汝於起業中行耶
 梵天答言我實不於起業中行問言
 梵天云何無業而言以業力故梵天
 答言善男子如業力亦如是是二不
 出於如
 尔時長老舍利弗白佛言世尊若能
 入是大龍密意所說法中當知彼人
 得大功德何以故世尊聞是上人名
 字至難何況復有聞其所說世尊譬
 如有樹不依地住在虛空中而現根
 莖枝葉華果如是世尊此大人行相

亦復如是不住一切法而於十方示
 現有行有生退死諸佛國土處處現
 見而亦復有如是智慧辯才樂說世
 尊若有智慧善男子善女人聞是智
 慧自在力者其誰不發阿耨多羅三
 藐三菩提心

尔時會中有一菩薩摩訶薩名曰普
 華問長老舍利弗言大德舍利弗汝
 為證法性為不證耶而不能如是以
 大智慧奮迅說法佛說大德於智慧
 人中寂為第一大德何以不見如是
 智慧辯才自在力耶答言善男子隨
 智慧力佛說我於聲聞弟子智慧人
 中寂為第一能有所說大德舍利弗
 法性境界有多少耶答言无也大德
 舍利弗若法性境界無多少者汝云
 何言隨智慧力佛說我於聲聞弟子
 智慧人中寂為第一能有所說答言
 善男子於聲聞中隨所得法而有所
 說大德舍利弗汝證法性境界有量
 相耶答言無也大德舍利弗若如是
 者汝云何言隨所得法而有所說大
 德舍利弗如法性無量相證亦如是

勝梵天經卷第三 第三十

勝梵天經卷第三 第三十

勝梵天經卷第三 第三十

如證說亦如是何以故法性无量相故舍利弗言善男子法性非證相大德舍利弗若彼法性非證相者汝出法性得解脫耶答言不也大德舍利弗何故尔耶答言善男子若出法性得解脫者則壞法性普華菩薩言是故舍利弗如汝證法法性亦如是舍利弗言善男子我為聽來非為說也大德舍利弗一切諸法皆入法性此法性中寧有說者有聽者不答言無也大德舍利弗若如是者汝云何言我為聽來非為說耶答言善男子佛說二人得福無量一者專精說法二者一心聽受以是義故普華應說我應聽受大德舍利弗汝入滅盡定能聽法耶答言善男子入滅盡定無有二行而聽法也大德舍利弗汝信諸法皆是自性滅盡相不答言善男子如是諸法皆是自性滅盡之相我信是說普華菩薩言若如是者則舍利弗常一切時不能聽法何以故以一切法常是自性滅盡相故舍利弗言善男子仁能不起于定而說法耶曰

頗有一法非是定耶答言無也大德舍利弗以是義故當知一切愚癡凡夫應常在定舍利弗言以何定故一切凡夫常在定耶曰以不壞法性三昧故舍利弗言善男子若如是者凡夫聖人無有差別大德舍利弗如是如是我不欲令凡夫聖人有差別也何以故聖人无所得一法凡夫无所生一法是二不過法性平等之相舍利弗言善男子仁以何等是諸法性平等之相曰如舍利弗所得知見大德舍利弗汝生賢聖法耶答言不也汝滅凡夫法耶答言不也汝得賢聖法耶答言不也汝見凡夫法耶答言不也大德舍利弗若如是者汝何知見說言得法耶答言善男子可不聞如凡夫无智慧如即是漏盡解脫如漏盡解脫如即是無餘涅槃如普華菩薩言大德舍利弗如不異如不改如不變如不壞如應以是如知一切法余時長老舍利弗白佛言世尊譬如火一切炷焰悉皆能燒如是此諸善男子所說法性悉皆能燒一切煩

惱佛言舍利弗如汝所言是諸善男子所說法性悉皆能燒一切煩惱余時網明童子菩薩問長老舍利弗言大德舍利弗佛說大德於智慧人中最為第一何等是智慧而舍利弗於智慧人中最為第一耶答言善男子所謂聲聞因聲得解自照身相少分智慧以是智慧佛說我於聲聞弟子智慧人中最為第一非菩薩中智慧第一曰智慧是戲論相耶答言非也曰智慧非平等相耶答言是也曰今大德證平等智慧云何而說智慧有量答言善男子以法性相故智慧无量隨入法性多少故智慧有量曰頗有無量相法作有量說耶答言無也網明菩薩言若如是者云何舍利弗依量說法余時舍利弗默然不答余時長老迦葉承佛威神而白佛言世尊是網明童子菩薩以何因緣言曰網明余時佛告網明童子菩薩言善男子現汝自身善相所成功德光明令諸天人一切世間心得歡喜其有福德善根熟者當發阿耨多羅

三藐三菩提心

今時網明童子菩薩聞佛勅已而白
佛言善哉世尊唯然受教作是語已
整服右肩右膝胡跪即於右手白赤
莊嚴羅網相間放大光明普照十方
無量無邊阿僧祇世界皆悉周遍其
中地獄畜生餓鬼盲聾背僂無手无
足種種諸病貪惡眾生愚癡裸形諸
飢渴者若縛若禁貧窮惡色老邁垂
死及嫉妬等種種苦惱諸有慳貪破
戒瞋恚懈怠妄念無慧不信少聞少
見无慚無愧墮邪疑網是等眾生遇
斯光者皆得快樂一切歡喜無一眾
生有貪欲恚愚癡惱慢憂愁患等不
得快樂不歡喜者其在佛前大會之
眾菩薩摩訶薩及諸聲聞天龍夜叉
乾闥婆阿修羅迦樓羅緊那羅摩睺
羅伽人與非人比丘比丘尼優婆塞
優婆夷等是諸大眾皆同一色金色
無異謂如來色時會大眾皆悉如是
身中快樂心得歡喜譬如菩薩入喜
樂食發起莊嚴三昧無異時諸大眾
悉得希有各各相見如佛无異不見

佛身為高已身為下又以網明童子

菩薩光明力故尋時下方有四菩薩
從地踊出名願力起菩薩名勝賢菩
薩名智月光菩薩名不可降伏菩薩
是四菩薩合掌而立作是念言何者
是佛我欲禮敬即聞空中聲曰是網
明童子菩薩光明力故一切大眾同
一金色與佛無異時四菩薩發希有
心作如是言我今實語如此眾會其
色無異一切諸法亦復如是即發誓
言若我此語誠實不虛今世尊釋迦
牟尼當現異相令我得見供養礼事
今時佛告網明童子菩薩言善男子
止此神力汝今已作佛所作事汝今
已令無量眾生住於佛道今時網明
童子菩薩受佛教勅即止神力攝光
明事攝光明已一切大眾威儀色相
還復如本身口无異即時如來身相
顯現在師子座如本無異時四菩薩
即見如來頭面礼足而作是言如來
世尊智慧境界不可思議及網明童
子菩薩福德善根願力境界不可思
議依彼功德能與眾生如是快樂令

得歡喜

今時長老迦葉白佛言世尊此四
菩薩從何所來四菩薩曰我等下方
佛世界來迦葉言其國何名佛号
何等四菩薩曰國名現諸寶莊嚴佛
号一寶蓋今現說法大迦葉言其佛
國土去此幾何四菩薩曰佛自知之
大迦葉言仁等今者何故來此四菩
薩曰是網明童子菩薩光明照彼我
等遇之即聞釋迦牟尼佛名及聞網
明童子菩薩是故我等今來至此見
釋迦牟尼佛并網明上人時大迦葉
即白佛言世尊一寶蓋佛現諸寶莊
嚴世界去此幾何佛言迦葉彼國土
去此過七十二恒河沙等諸佛國土
大迦葉言世尊是四菩薩發彼國來
幾時至此佛言迦葉如一念頃於彼
國没忽然而至大迦葉言希有世尊
然諸菩薩光明遠照神通速疾甚為
希有今是網明童子菩薩光明遠照
是四菩薩發來速疾乃能如是佛言
迦葉如汝所說菩薩摩訶薩神通之
力所行速疾不可思議一切聲聞辟

勝覺天經卷第三 第九張 及字

支佛等所不能及

尔時長老迦葉問網明童子菩薩言善男子仁現光明照此大會皆作金色以何因緣答言大迦葉可問世尊當為汝說時大迦葉以此白佛佛言迦葉是網明童子菩薩成佛之時其會大眾同一金色咸共信樂一切智慧其佛國土乃至无有聲聞辟支佛名唯有清淨諸大菩薩摩訶薩衆長老迦葉白佛言世尊生彼菩薩當知如佛佛言迦葉如汝所說生彼菩薩悉皆如佛是時會中四方四千人聞已皆發阿耨多羅三藐三菩提心既發心已願生彼國而白佛言世尊若網明童子菩薩得成佛時我等皆當往生其國

勝覺天經卷第三 第十張 及字

羅三藐三菩提是幻化人當云何答曰幻所化人無決定相當何所云答曰一切諸法皆亦如是無決定相云何問言幾時當得阿耨多羅三藐三菩提耶曰幻所化人離於自相無異无別無所志願仁亦如是耶仁若如是何能利益无量衆生大迦葉阿耨多羅三藐三菩提即是一切衆生性一切衆生性即是幻性幻性即是一切法性於是法中我不見有利不見無利大迦葉言善男子仁今豈可不令衆生住菩提耶曰諸佛菩提有住相耶答言無也大迦葉以是故我不令衆生住於菩提我亦不令住於聲聞辟支佛道大迦葉言善男子仁於今者為趣何所曰我所趣者乃趣於如曰如無所趣亦无有轉曰如無趣亦无轉一切諸法皆住如相以是故我無趣无轉大迦葉言若一切法皆住如相無趣无轉仁復云何教化衆生網明菩薩言若人發願是則不能教化衆生若人於法有轉是亦不能教化衆生大迦葉言善男子仁可不

勝覺天經卷第一 第十一張 及字

轉衆生生死世間耶大迦葉我尚不得世間何況於世間中而轉衆生大迦葉言善男子仁可不令衆生得涅槃耶大迦葉我尚不見涅槃何況教化衆生今得涅槃大迦葉言善男子如其仁者不得世間不得涅槃何故諸菩薩行菩薩行為救無量諸衆生故行於菩提此豈不為滅度衆生耶大迦葉若菩薩見於世間分別涅槃取衆生相行菩提者此則不應說為菩薩大迦葉言善男子仁者今於何處行耶大迦葉我非世間中行非涅槃中行亦復不以衆生相行大迦葉如汝所問仁者今於何處行者如佛所化人行處吾於彼行大迦葉言佛所化人無有行處大迦葉當知一切衆生行處亦如是相大迦葉言善男子佛所化人無貪恚癡若使一切衆生所行如是相者一切衆生貪欲恚癡為何所趣大迦葉我今問汝隨意答我大迦葉汝今寧有貪恚癡不答言無也曰是貪恚癡為盡滅不答言不也曰若大迦葉今无貪欲瞋恚愚癡

亦不盡滅者汝置貪恚癡於何所耶
答言善男子凡夫之人從顛倒起妄
想分別生貪恚癡賢聖法中善知顛
倒之實性故是以不起妄想分別故
無貪欲瞋恚愚癡大迦葉於汝意云
何若法從顛倒起是法為實為虛妄
耶答言善男子是法虛妄非是實也
曰若法非實可令實耶答言不也曰
若法非實汝大迦葉於中欲得貪恚
癡耶答言不也曰若如是者為於何
所是貪恚癡能滌衆生者答言善男
子若如是者一切諸法從本已來自
性離於貪恚癡相網明菩薩言大迦
葉是故我說一切法相如佛所化說
是法時四万四千菩薩得柔順法忍
尔時長老迦葉白佛言世尊若有
得聞網明童子菩薩名者彼人不復
墮三惡道若有得見網明童子菩薩
身者當知彼人一切魔業不能障難
若有衆生得聞網明童子菩薩所說
法者彼諸衆生不墮聲聞辟支佛地
若蒙網明童子菩薩所教化者彼諸
衆生於大菩提畢竟不退世尊願說

網明童子菩薩善根功德莊嚴佛土
佛言迦葉是網明童子菩薩隨其所
在諸佛國土遊行之處皆能利益无
量衆生迦葉如是網明童子菩薩所
放光明汝見不耶答言已見佛言迦
葉三千大千世界滿中芥子尚可卒
數今是網明童子菩薩光明所照今
住阿耨多羅三藐三菩提者彼諸衆
生不可數也迦葉汝知網明童子菩
薩所放光明利益尚尔何況說法所
利益者汝今諦聽我當少分說其功
德善根莊嚴淨佛國土迦葉是網明
童子菩薩過七百六十万阿僧祇劫
當得作佛号曰普光自在王如來應
正遍知世界名曰集妙功德迦葉其
佛往趣菩提樹時國中諸魔及魔眷
屬諸天人人民皆悉畢定於阿耨多羅
三藐三菩提迦葉其佛國土地平如
掌柔軟細滑如迦陵伽安樂處地一
切諸寶以為莊嚴世界無有三惡道
名亦無八難其佛國土無有高下凡
礫棘刺土石等穢妙寶蓮華以為莊
嚴彼諸蓮華皆是真寶出美妙香世

界長廣迦葉彼佛世界有如是等勝
功德集普光自在王如來多有无量
諸菩薩僧一切善修無量法門悉得
无量自在神通皆以光明莊嚴其身
得陀羅尼諸勝三昧無尋辯才善能
說法彼諸菩薩光明神力無不通達
悉得諸通無畏辯才善能降伏諸魔
怨敵彼諸菩薩修行念慧去憍慢等
上妙智慧諸勝功德以修其心迦葉
彼佛國土无女人名其諸菩薩皆悉
化生於寶蓮華中結跏趺坐禪喜樂
食諸所須物經行之處房舍林樹園
林浴池應念即得
迦葉彼普光自在王如來不以文字
說法但放光明照諸菩薩即得无生
法忍復照十方通達无身令諸衆生
得離煩惱又其光明常出三十二種
淨妙法音何等三十二謂一切法空
以離諸見清淨故一切法無相以離
一切分別所分別故一切法无願以
出三界故一切法離欲以自性寂滅
故一切法離瞋以无有尋相故一切
法離癡以无聞冥故一切法無所從

勝覺天經卷第三 第十五段 及字号

勝覺天經卷第三 第十六段 及字号

勝覺天經卷第三 第十七段 及字号

来以本不生故一切法无去以無所
 至故一切法無住以无所依住故一
 切法過三世以去來現在無所有故
 一切法无異以其性一故一切法不
 生以離於業報故一切法无業報以
 不見因故一切法非作以非可作故
 一切法無名以不可得立名故一切
 法無起以不生不滅故一切法不實
 以本不起故一切法實以道門平等
 故一切法無衆生以不見衆生故一
 切法無我以第一義攝故一切法純
 以无所知故一切法捨以離憎愛故
 一切法離煩惱以無有取故一切法
 无煩惱以自性不染故一切法一相
 以實際平等故一切法離相以常寂
 定故一切法住實際以性不壞故一
 切法如相住以本不壞故一切法入
 法性以遍入故一切法無緣以諸緣
 不合故一切法諸緣生以滿足平等
 故一切法是善提以如實見故一切
 法是涅槃以不成就故迦葉彼普光
 自在王如来光明常出如是三十二
 種淨妙法音迦葉若有衆生彼國

者當知是人能作佛事迦葉彼佛世
 尊壽命無量迦葉彼佛國土無有魔
 事能與諸菩薩而作留難長老迦
 葉白佛言世尊若其有人欲得清淨
 佛國土者應取如彼網明菩薩所修
 善報功德莊嚴清淨佛土佛言迦葉
 是網明童子菩薩乃於無量百千方
 億那由他諸如来所發清淨願修行
 功德莊嚴具足故得如是清淨佛土
 是故迦葉若善男子若善女人欲取
 如是淨佛國土應學網明童子菩薩
 所修願行

今時勝思惟梵天謂網明童子菩薩
 言仁者已得從佛受記網明童子菩
 薩言梵天一切衆生皆如来授記曰
 於何事中而得授記曰隨業受報而
 得受記曰汝作何業而得受記問言
 梵天若業非身作非口作非意作是
 業可得示不梵天答言不可示也問
 言梵天仁以何故而作是說梵天頗
 有菩薩行可作相耶答言不也以善
 提非諸行相故問言梵天善提是起
 作相耶答言非也以善提是無為非

起作相問言梵天可以起作相得无
 為善提不答言不也網明菩薩言梵
 天是故當知依此義意何等處无業
 無業果不作不行是善提如善提說
 亦如是如說受記亦如是不可起
 作法而得受記

梵天問言善男子汝不行六波羅蜜
 然後得受記耶答言梵天如汝所說
 菩薩行六波羅蜜而得受記梵天若
 菩薩捨一切煩惱名為檀波羅蜜於
 諸法無所起名為尸波羅蜜於諸法
 无所傷名為羸提波羅蜜於諸法雖
 相名為毗梨耶波羅蜜於諸法無所
 住名為禪波羅蜜於諸法无戲論名
 為般若波羅蜜梵天善提如是行六
 波羅蜜於何處行梵天言善男子无
 處行也何以故凡有所行皆是不行
 若行即是不行若不行即是行網明
 菩薩言梵天以是義故當知無所行
 是善提如汝所問汝得受善提記者
 如真如法性得受記我亦如是受記
 梵天依此法應知无行菩薩行梵天
 如汝所言汝得受記如真如及法界

勝覺天經卷第三 第二十三張 及字號

勝覺天經卷第三 第二十三張 及字號

勝覺天經卷第三 第二十三張 及字號

此不取不捨精進百分不及一乃至
 華數譬喻所不能及梵天我從初發
 心已來禪定獨處於此無住禪定百
 分不及一乃至華數譬喻所不能及
 梵天我從初發心已來思惟籌量矜
 慧於此無戲論智慧百分不及一百
 千分百千萬億分乃至華數譬喻所
 不能及梵天是故當知我於今時已
 得滿足六波羅蜜梵天言世尊世尊
 云何名為滿足六波羅蜜佛言梵天
 若不念施不依止戒不分別忍不取
 精進不住禪定不二於慧梵天是名
 滿足六波羅蜜
 梵天言世尊滿足六波羅蜜已能滿
 足何法佛言梵天滿足六波羅蜜已
 能滿足薩婆若梵天言世尊云何滿
 足六波羅蜜已能滿足薩婆若佛言
 梵天布施平等即是薩婆若平等持
 戒平等即是薩婆若平等忍辱平等
 即是薩婆若平等精進平等即是薩
 婆若平等禪定平等即是薩婆若平
 等智慧平等即是薩婆若平等以是
 平等一切法名為薩婆若

復次梵天滿足布施相持戒相忍辱
 相精進相禪定相智慧相是名薩婆
 若梵天如是滿足六波羅蜜能滿足
 薩婆若梵天言世尊何者是薩婆若
 滿足佛言梵天若眼不見色乃至意
 不知法梵天若如是觀察內外六入
 是名滿足薩婆若梵天如是滿足薩
 婆若所謂不著眼乃至不著意以是
 義故名為如來無障無閼薩婆若智
 梵天薩婆若於法无所受何以故以
 薩婆若非受法器故梵天言非器者
 此名无物能受感故言無物者則名
 為空空同虚空是名薩婆若以是義
 故不能受法梵天譬如一切所作皆
 依虚空而彼虚空无所依也如是薩
 婆若智皆從薩婆若出而薩婆若无
 所依也
 勝思惟梵天白佛言世尊所說薩婆
 若薩婆若者為何謂耶以何義故名
 薩婆若佛言梵天一切諸行彼薩婆
 若智知所謂聲聞辟支佛及一切世
 間以是義故名薩婆若諸有所行平
 等知知諸心知諸行知諸慈悲知諸

學知諸發起修行故名薩婆若能離
 一切諸相能破一切諸覺故名薩婆若
 如實知說不說如實知一切衆生心
 行故名薩婆若如實知一切證智故
 名薩婆若如實知无學智聲聞辟支
 佛智如實知一切種智皆是薩婆若
 中出以是義故名薩婆若如實知正
 行皆從薩婆若出故名薩婆若如實
 知一切藥故名薩婆若能令一切病
 滅故名薩婆若能離一切縛故名薩
 婆若能除一切煩惱習氣故名薩婆
 若常在一切定故名薩婆若一切法
 中無疑故名薩婆若從彼薩婆若出
 一切世間出世間智慧故名薩婆若
 知一切智慧方便相故名薩婆若梵
 天一切諸法方便從此法出故名薩
 婆若今時勝思惟梵天白佛言希有
 世尊諸佛如來智慧甚深心无所緣
 而知一切衆生心心所行世尊彼薩
 婆若有如是等无量功德其誰智慧
 善男子善女人聞薩婆若不發阿耨
 多羅三藐三菩提心
 勝思惟梵天所問經卷第三

勝思惟梵天所問經卷第三

校勘記

- 一 底本，金藏廣勝寺本。
- 一 一八五頁中九行「所化」，**資、磧**、**普、南、徑、清、麗**作「化所」。
- 一 一八六頁下二一行第一〇字「相」，**資、磧、普、南、徑、清、麗**作「根」。
- 一 一八七頁上四行「白赤」，**資、磧、普、南、徑、清**作「赤白」。
- 一 一八七頁上一四行第五字「志」，**資、磧、普、南、徑、清**作「瞋志」。
- 一 一八七頁中三行第三字「踊」，**資、磧、普、南、徑、清**作「涌」。
- 一 一八七頁中一行第一〇字「今」，**資、磧、普**作「令」。
- 一 一八七頁中一四行第八字「作」，**資、磧、普、南、徑、清**作「得」。
- 一 一八七頁下一二行末字「葉」，**資、磧、普、南、徑、清**作「葉等」。
- 一 一八七頁下一四行末字「土」，**資、磧、普、南、徑、清**無。

- 一 一八七頁下一五行末字「土」，**資**作「上」。
- 一 一八八頁中二行第一三字「云」，**資、磧、普、南、徑、清**無。
- 一 一八九頁下八行第一一字「去」，**資、磧、普、南、徑、清**作「具」；**麗**作「生」。
- 一 一八九頁下一一行第九字「加」，**徑、清**作「跏」。
- 一 一九〇頁上九行第一〇字「以」，**資、磧、普、南、徑、清、麗**作「以一」。
- 一 一九〇頁中一七行「受記」，**徑、清**作「授記」，下同。
- 一 一九〇頁下二二行第九字「行」，**資**作「行是」。
- 一 一九一頁中二行「受記」，**磧、南**作「授記」，下至五行同。
- 一 一九一頁中二二行第一二字「亦」，**資**作「皆」。
- 一 一九一頁下三行第二字「則」，**資、磧、普、南、徑、清**作「乃」。
- 一 一九一頁下一八行第一一字「來」，

- 資**作「我」。
- 一 一九二頁上二二行第五字「等」，**資**作「等等」。
- 一 一九二頁上末行第二字「等」，**普、南、徑、清**作「等等」。
- 一 一九二頁中七行「滿足薩婆若」，**資、磧、普、南、徑、清**作「薩婆若滿足」，下同。
- 一 一九二頁中末行第二字「知」，**資、磧、普、南、徑、清、麗**作「智」。



趙城縣廣勝寺

勝思惟梵天所問經卷第四 及

元魏天竺三藏菩提留支譯

尔時網明童子菩薩白佛言世尊若有菩薩希望功德利而發菩提心者不得名為發大乘也何以故一切諸法無功德利以無對治處故世尊菩薩摩訶薩不應為功德利故發菩提心但為大悲故為滅衆生諸苦惱故生諸善法故解脱諸邪見故滅除諸病故捨我所貪著故不觀憎愛故不沒世法故厭患有為故安住涅槃故發菩提心世尊菩薩不應於諸衆求其思報亦不應觀作與不作又於苦樂心不傾動

世尊何謂菩薩摩訶薩諸善根清淨佛言善男子菩薩善根若生轉輪聖王位處不得名為善根清淨若生帝釋王中若生梵天王中亦不得名善根清淨在所生處乃至畜生自不失善根亦令衆生生諸善根是名菩薩善根清淨復次網明云何菩薩善根清淨善男子布施善根清淨以捨一

勝思惟經卷第四第二張 及字序

切資生故持戒善根清淨以除熱惱得清涼故忍辱善根清淨以心不分別故精進善根清淨以離懈怠故禪定善根清淨以不念餘乘故智慧善根清淨以離諸見故慈善根清淨以平等見故悲善根清淨以直心清淨故喜善根清淨以樂諸法不生愛故捨善根清淨以離諸過故不捨菩提心善根清淨以不貪聲聞辟支佛地故

尔時文殊師利法王子在於大會默然而住無所論說尔時勝思惟梵天白佛言世尊世尊此文殊師利法王子在大會坐云何於此所說法中默然而住無所論說尔時世尊告文殊師利法王子言文殊師利汝今於此所說法中可少說之文殊師利白佛言世尊佛所證法為何等相佛言文殊師利彼所證法无有相貌文殊師利言世尊彼法可說可演可論不佛言文殊師利彼法不可說不可演不可論也文殊師利言世尊若彼法不可說不可演不可論者則不可示

尔時勝思惟梵天謂文殊師利法王子言文殊師利汝不為衆生演說法耶文殊師利問言梵天於法性中頗有二相耶答言無也文殊師利問言梵天一切諸法不入法性中耶答言如是文殊師利言若彼法性是不二相一切諸法入法性中云何當為衆生說法梵天問言頗有說法亦無二耶答言梵天若決定得說者聽者可說法而無有二梵天問言如來豈可不說法耶答言梵天佛雖說法不以二相何以故如來說法無二說故雖有所說而無二也梵天問言若一切法無二云何諸凡夫無二作二答言梵天凡夫之人貪著我故分別為二若不二者終不為二雖復種種分別為二然其實際元有二相梵天問言云何而識無二法耶答言梵天若無二可識則非無二何以故梵天無二相者不可識也梵天而如來不說二法彼法如說無如是也何以故以彼法無名字章句故梵天問言如來說法取何法耶答言梵天如來說法

無所取也梵天問言佛所說法不可取涅槃耶問言梵天於涅槃中涅槃有取捨耶答言涅槃不去不來文殊師利言如是梵天佛所說法不去不來梵天問言是法云何聽答言如所說梵天問言云何如所說答言梵天如不識不聞如不識不聞如是說梵天問言誰能聽如來如是法答言梵天不著不漏諸境界者梵天問言誰能知是法答言梵天以何等人不諍訟無識不隨喜者

梵天問言云何比丘名多諍訟答言梵天若比丘是好是惡是相應是不相應此名諍訟是理是非理此名諍訟是垢是淨此名諍訟是善是不善此名諍訟是法可呵是法不可呵是法有漏是法無漏是法世間是法出世間是法有為是法無為是持戒是破戒是作是不可作是可得是不可得梵天此名諍訟梵天若於法中有高下心貪著取受皆是諍訟佛所說法無有諍訟梵天樂戲論者無不諍訟樂諍訟者無沙門法樂沙門法

者無有妄想梵天問言云何比丘隨佛語隨佛教答言梵天若比丘稱讚毀辱其心不動是名隨佛教不隨文字語言是名隨佛語又若比丘滅一切法相是名隨佛教不違於義是名隨佛語又若比丘守護於法是名隨佛教不違佛語是名隨佛語

梵天問言云何比丘能守護法答言梵天若比丘不違平等不壞法性是則名為能守護法梵天問言云何比丘親近於佛答言梵天若比丘於諸法中不見有法若近若遠是則名為親近於佛梵天問言云何比丘給侍於佛答言梵天若比丘身口意无所作是名比丘給侍於佛梵天問言誰能供養佛答言梵天不起罪業起福業足無動業者梵天問言誰能見佛答言梵天若不著肉眼不著天眼不著慧眼者梵天問言誰能見法答言梵天不逆諸因緣法者梵天問言誰能順見諸因緣答言梵天不起平等不見平等不生不滅者梵天問言誰得真智答言梵天不生不滅諸漏法者梵

勝梵天經卷第四 第六張及字號

勝梵天經卷第四 第七張及字號

勝梵天經卷第四 第八張及字號

天問言誰能隨學如來戒言梵天不起不受不取不捨者梵天問言誰名正行答言梵天不隨三界者梵天問言誰為善人答言梵天不受後身者梵天問言誰為樂人答言梵天無我无我所者梵天問言誰為得脫答言梵天不壞縛者梵天問言誰為得度答言梵天不住世間不住涅槃者梵天問言漏盡比丘盡何事耶答言梵天若有所盡不名漏盡知諸漏空相隨如是知名為漏盡梵天問言誰為實語答言梵天離諸言論道者梵天問言誰為入道答言梵天凡夫者有入道聖行者知一切有為法无所從來無所至去則無入道梵天問言誰能見聖諦答言梵天若於諸法无所見者何以故隨所有見皆為虛妄無所見者乃名為實梵天問言不見何法名為見諦答言梵天不見一切法名為實諦梵天問如是實法當於何求答言梵天當於四顛倒中求梵天問言汝以何意作如是說答言梵天求四顛倒不得常不得樂不得我

不得淨若不得常以常无故是即無常以何處無樂是即為苦以何處无我是即无我以何處無淨是即不淨梵天諸法無我是為聖諦若人求實諦是人不知苦若人斷集是人不知集若人見滅是人不知滅若人求道是人不知道梵天問言云何修道文殊師利答言梵天若不分別法是非法離於二相名為修道以如是道求一切法不可得故是名為道如是道者不住世間不住涅槃何以故不離不至乃名聖道

尔時平等行梵天婆羅門大婆羅子白文殊師利法王子言文殊師利云何優婆塞歸依佛歸依法歸依僧答言善男子若優婆塞不起二見云何名為不起二見謂不起我見不起他見不起我見不起佛見不起我見不起法見不起我見不起僧見是名優婆塞歸依佛法僧復次善男子若優婆塞不以色見佛不以受想行識見佛是名優婆塞歸依佛善男子若優婆塞不分別諸法不戲論諸法是名

優婆塞歸依法善男子若優婆塞信無為法僧而不離有為法信無為法是名優婆塞歸依僧復次善男子若優婆塞不見佛不見法不見僧是名優婆塞歸依佛歸依法歸依僧

尔時平等行梵天婆羅門大婆羅子白文殊師利法王子言文殊師利是諸菩薩發菩提心者為趣何所答言善男子趣於虚空何以故阿耨多羅三藐三菩提同虚空故平等行言文殊師利云何菩薩名發阿耨多羅三藐三菩提心答言善男子若菩薩知一切發非發一切法非法一切眾生非眾生是名菩薩發阿耨多羅三藐三菩提心

尔時平等行梵天婆羅門大婆羅子白佛言世尊所言菩薩菩薩者為何謂耶以何義故名菩薩佛言善男子若菩薩於邪定眾生起大悲心於正定眾生不見殊異故名菩薩何以故善男子菩薩不為正定眾生不為不定眾生故發心但為度脫邪定眾生故而起大悲發阿耨多羅三藐三

菩提心故名菩薩何以故善男子菩
 薩於邪定衆生起大悲心願大菩提
 故名菩薩爾時名菩提菩薩白佛言
 世尊我亦樂說以何義故名菩薩
 佛言便說菩提菩薩言辭如若男子
 女人受一日八戒無毀无缺若菩薩
 如是從初發心乃至成佛於其中間
 常修淨行故名菩薩世尊若菩薩從
 初發心乃至道場不動心故名菩薩
 薩堅意菩薩言若菩薩成就深固慈
 心常念衆生故名菩薩度衆生菩薩
 言譬如橋船渡人不倦无有分別若
 菩薩有如是心度一切衆生故名菩
 薩斷惡道菩薩言若菩薩於諸佛國
 土足投地處即時一切惡道皆滅故
 名菩薩觀世自在菩薩言若菩薩衆
 生見者即得必定於阿耨多羅三藐
 三菩提又稱其名得免驚怖故名菩
 薩得大勢至菩薩言若菩薩足投地
 處震動三千大千世界及魔宮殿故
 名菩薩無疲倦菩薩言若菩薩劫數
 猶如恒河沙等為一日夜以如是日
 三十為月數如是月十二為歲以是

歲數若過百千萬億數劫得值一佛
 如是乃於恒河沙等諸如來所行諸
 梵行修集功德然後乃受阿耨多羅
 三藐三菩提記心不休息無有疲倦
 故名菩薩導師菩薩言若菩薩於墮
 邪道諸衆生等生大悲心令人正道
 不求恩報故名菩薩大彌樓山菩薩
 言若菩薩於一切法無所分別如彌
 樓山一於衆色故名菩薩那羅延菩
 薩言若菩薩不為一切煩惱所壞故
 名菩薩心力菩薩言若菩薩以心思
 惟一切諸法而自身心不壞不損故
 名菩薩師子遊步自在菩薩言若菩
 薩於諸論中不怖不畏得深法忍能
 使諸魔一切外道悉皆驚怖故名菩
 薩不可思議菩薩言若菩薩知心及
 法不可思議無所思維无所分別故
 名菩薩善寂天子言若菩薩能於一
 切天宮中生而无所染亦不得是無
 染之法故名菩薩實語菩薩言若菩
 薩有所發言常以真實乃至夢中亦
 无妄語故名菩薩喜見菩薩言若菩
 薩能見一切色皆見佛色故名菩薩

常悲菩薩言若菩薩見墮生死苦惱
 衆生不著自身一切諸樂唯除法樂
 教化衆生故名菩薩心无尋菩薩言
 若菩薩能於一切煩惱衆魔而不瞋
 辱故名菩薩常喜根菩薩言若菩薩
 常以喜根自滿其願亦滿他願所作
 皆辦故名菩薩散疑女菩薩言若菩
 薩於一切法中不生疑悔故名菩薩
 師子童子菩薩言若菩薩亦無男法
 亦無女法而現一切種種色身以為
 成就諸衆生故故名菩薩寶女菩薩
 言若菩薩於諸寶中不生愛樂但樂
 三寶故名菩薩毗舍佉多優婆夷
 言若菩薩有所得者則無菩提若不
 得一切法不生一切法不滅一切法
 故名菩薩跋陀婆羅大賢士言若菩
 薩有諸衆生聞其名者即得必定於
 阿耨多羅三藐三菩提故名菩薩寶
 月童子言若菩薩常能修行童子梵
 行乃至不以心念五欲何況身受故
 名菩薩初利天子曼陀羅華香菩薩
 言若菩薩持戒薰心常流功德諸善
 法香不流餘香故名菩薩作喜菩薩

摩訶大經卷第四第十二張及字號

言若菩薩喜樂三法謂供養佛守護
 正法教化眾生故名菩薩勝思惟梵
 天言若菩薩見一切法皆是佛法故
 名菩薩弥勒菩薩言若菩薩眾生見
 者即得入於大慈三昧故名菩薩文
 殊師利法王子言若菩薩雖說諸法
 而不起法想不起我想不起他想故
 名菩薩網明童子菩薩言若菩薩光
 明能滅一切眾生諸煩惱闇故名菩
 薩善華菩薩言若菩薩見滿十方諸
 佛世界眾華敷榮故名菩薩如是諸
 菩薩隨其樂說辯才各各說已今時
 佛告平等行梵天婆羅門大婆羅子
 言善男子若菩薩能代一切眾生受
 諸苦惱亦復能捨一切福事與諸眾
 生故名菩薩

摩訶大經卷第四第十三張及字號

言梵天諸佛以第一義空為行梵天
 問言善男子若一切凡夫所行諸佛
 亦以是行佛與眾生有何差別平等
 行梵天婆羅門大婆羅子言梵天仁
 者欲令空中有差別耶答言不也文
 殊師利問勝思惟大梵天言梵天如
 來可不說一切法空耶答言如是文
 殊師利言是故梵天一切諸法无有
 差別是諸行相亦復如是无差別相
 是故如來不說諸法有種種相
 平等行梵天婆羅門大婆羅子問文
 殊師利法王子言文殊師利如諸言
 語所說行者何等名行答言善男子
 以何等處有四正行是人名為行處
 梵天善男子以何等人行四梵行彼
 人所行非是梵行以何等行行四梵
 行彼人名為成就梵行善男子雖於
 空闊曠野中行難於梵行彼人名
 成就梵行非是善巧知於梵行善男
 子復有雖於樓殿堂閣金銀牀檯妙
 好被褥於此中行成就梵行彼人真
 實成就梵行真是善巧知於梵行曰
 若見我見非智見耶答言善男子如

摩訶大經卷第四第十四張及字號

是如是善男子若見我見彼非智見
 善男子如人如實善知金性則知柔
 軟不柔軟者如是見我能清淨智曰
 為說何者是我見耶答言善男子所
 謂無我法體常也善男子我常無體
 本來不成以彼如是畢竟決定故說名
 我曰如我解文殊師利所說法義若
 見我者即是見佛何以故我體佛體
 无分別故文殊師利何等人能見如
 來耶答言善男子若能不改我見相
 者何以故我見法見佛見平等曰頗
 有無所行名為正行耶答言有善男
 子若不行一切有為法者是名正行
 曰云何而行名為正行答言善男子
 若不為知故行不為斷故行不為證
 故行不為修故行是名正行曰頗有
 人不見佛而彼人慧眼清淨答言有
 善男子諸佛如來不見二相彼人則
 有聖眼清淨曰慧眼見何等法答言
 善男子若見一法不名慧眼善男子
 慧眼不見有為諸法亦復不見無為
 法也何以故以彼般若无分別故以
 是義故般若不見有為諸法彼無為

法亦過慧眼是故不見日頗有正行比丘不得道果答言有善男子於正行中无果無得亦无正行彼處亦無修行一法善男子亦於彼處無果可得無分別故善男子若不得一法乃名為得善男子若分別言我有所得彼人我憍以正行中无增上憍以無增上憍則无證無得曰為得何法說名得道答言善男子以何等法不生本來不生後亦不生為得彼法故說實法曰若法不生何等法證答言善男子知若不生即說彼知名為證法見有為法一切不生是即名為得證正定曰以何名為證正定耶答言善男子我及涅槃平等無二見有善別故說名為證正定也以隨正定是故說名證正定也以畢竟得平等法故說名正定又以能令得了義故說名正定以不戲論諸三昧故說名正定亦時世尊讚文殊師利法王子言善哉善哉文殊師利快說此言誠如汝說如是文殊師利汝說此法時七千比丘不受諸法漏盡心得解脫三

万二千諸天遠塵離垢於諸法中得法眼淨有十千人離欲得定有二百人發阿耨多羅三藐三菩提心五百善薩得無生法忍
爾時勝思惟梵天白佛言世尊是文殊師利法王子能作佛事大饒益眾生今无量眾生入於涅槃佛言善男子汝亦饒益无量眾生今入涅槃文殊師利問言梵天汝謂眾生有數量耶答言不也問言梵天頗有眾生如來說不又頗有眾生有眾生體不答言無也問言梵天於汝意云何汝謂如來有生有滅耶答言不也問言梵天若如是者何等眾生如來今入於涅槃耶梵天答言以何等法性文殊師利法王子如是說法如是無世間无涅槃文殊師利言梵天如是如是如來不見世間不見涅槃梵天如是來所化聲聞弟子彼人亦不見世間不見涅槃梵天所言涅槃唯是言說然無有人行於世間亦无有人行於涅槃梵天問言諸有所說諍訟言語如此言語說何等法答言梵天是戲

耳不說眾生梵天若有戲論然則常無我憍以是義故於無物中而戲論也以知无實有戲論故不見戲論若不見戲論彼人不行世間若不行世間則不異見以不異見故說涅槃梵天問言文殊師利所言入涅槃者以何等對治而說涅槃答言梵天入涅槃者彼此因緣不相和合不起無明不起世間行若不起行是則不生若不生者即名涅槃若不起諸行名為寂靜彼法名為得證聖道以常不生如是名為說四聖諦
爾時平等行梵天婆羅門大婆羅子謂文殊師利法王子言文殊師利如仁所說皆是真實文殊師利言善男子一切言說皆是真實曰虛妄言說亦真實耶答言如是以何故善男子是諸言說皆為虛妄无處無方若法虛妄無處无方即是真實以是義故一切言說皆是真實善男子提婆達多所有語言與如來語无異無別何以故諸有言說一切皆是如來言說不出如故諸有言語所說之事一切皆

勝梵天經卷第四第十八張及字

以無所說故得有所說是以一切言說皆等文字同故文字空故曰如來可不說凡夫語賢聖語耶文殊師利言如是善男子可不如彼文字言語聖人說法凡夫亦以文字章句有所說耶答言如是曰頗有文字分別言語此是凡夫文字言語此是聖人文字言語耶答言無也文殊師利言善男子如彼言語名字章句不分別无分別如是一切聖人離諸分別是故聖人無名字說聖人所行非言語相亦法非相非衆生相如鼓蚤等衆緣和合而有音聲是諸音聲無所分別如是善男子諸賢聖人善知一切衆因緣故於諸言說悉皆平等無所分別平等行菩薩言文殊師利如佛所說大衆集會當行二事若如實說法若聖默然文殊師利何者如實說法何者是聖默然答言善男子若說法不違佛不違法不違僧是名如實說法若知法即是佛離相即是法無為即是僧是名聖默然又善男子若依四念處有所說是名如實說法若於

勝梵天經卷第四第十九張及字

一切法無所憶念是名聖默然若依四正勤有所說是名如實說法若於平等不作平等非不作平等是名聖默然若依四如意足有所說是名如實說法若不捨身口意是名聖默然若依五根五力有所說是名如實說法若不隨他語而有所信為不取不捨故分別諸法一心安住无念念中若信諸法自性清淨離一切戲論諸因緣行是名聖默然若依七菩提分有所說是名如實說法若常行捨心無所分別无增無減是名聖默然若依八聖道有所說是名如實說法若知諸法相如彼椽喻不依法行不依非法行是名聖默然善男子於三十七菩提分法若能以言語建立開示分別演說是名如實說法如實說故是名如實說法若身證是法而不離身見法亦不離法見身於是觀中不見二相不見不二相如是現前見而不見是名聖默然

勝梵天經卷第四第二十張及字

想而有所說是名如實說法若得不可說法想能離一切名字言語音聲得不動處入離行心是名聖默然復次善男子若於一切衆生知諸根力如是說法是名如實說法若常在於定心不散乱是名聖默然
尔時平等行梵天婆羅門大婆羅子白文殊師利法王子言文殊師利如我解文殊師利所說法義諸聲聞人辟支佛等一切無有如實說法无聖默然何以故不能了知一切衆生諸根利鈍亦復不能常在定故文殊師利世間若有以真實語而問言曰誰是世間如實說法何者世間聖默然住當為說言諸佛是也文殊師利當為正說諸佛是也何以故諸佛如來具諸根力善知衆生諸根利鈍常在定故佛告文殊師利法王子言如是如是如平等行善男子所說唯諸如來有此二法
尔時長老須菩提白佛言世尊我親從佛聞從佛親受汝等集會當行二事若如實說法若聖默然世尊若聲

聞人不能行者云何如來勅諸比丘
行如實說法行聖默然佛言須菩提
於汝意云何若聲聞人不從他聞能
如實說法聖默然不須菩提言不也
世尊佛言須菩提是故當知一切聲
聞辟支佛人皆悉无有如實說法無
聖默然亦時文殊師利法王子問長
老須菩提言長老須菩提如來如實
了知衆生八万四千心行汝知不乎
汝於此中能有智慧隨其所應為說
法不吝言不能文殊師利言今須菩
提能入觀一切衆生心三昧通達一
切衆生心心所行自心他心无所尋
不吝言不能文殊師利言如來如實
了知衆生八万四千心行隨其所應
為說法藥又常住定平等相中心不
動搖而常通達一切衆生心心所行
而不思惟無障无闕今須菩提能如
是不吝言不能文殊師利言如來如
實了知衆生八万四千心行如實說
法藥而常在定平等相中心不搖動
亦常通達一切衆生心心所行而不
思惟无障無尋須菩提是故當知一

切聲聞辟支佛人非其境界須菩提
或有衆生多貪欲者以觀淨故而得
解脫不以不淨雜佛能知或有衆生
多瞋恚者以觀過故而得解脫不以
慈心雜佛能知或有衆生多愚癡者
以不共語而得解脫不以說法雜佛
能知或有衆生等分行者不以淨觀
不以不淨觀不以觀過不以慈心不
以不共語不以說法而得解脫者隨
其根性以諸法平等而為說法令得
解脫唯佛能知是故須菩提佛於如
實說法人中實為第一於聖默然中
實為第一
余時長老須菩提白文殊師利法王
子言文殊師利若諸聲聞辟支佛人
不能如是如實說法不能如是聖默
然者諸菩薩摩訶薩有能成就如是
功德如實說法聖默然不吝言雜佛
當知於是佛告長老須菩提言須菩
提有三昧名入一切語言心不散亂
諸菩薩等若能成就此三昧者一切
皆得如是功德亦時文殊師利謂平
等行菩薩言善男子為諸衆生八万

四千行故說八万四千法藏名為如
實說法常在一切滅受想行定中名
聖默然善男子我若一切若餘殘劫
說是二義如實說法聖默然相不可
窮盡然說法辯才亦不盡也於是佛
告平等行菩薩言善男子乃往過去
無量无边於不數阿僧祇劫時世有
佛号曰普光如來乃至佛婆伽婆劫
名名稱國名喜見彼普光如來喜見
世界七寶莊嚴豐樂安隱无諸怖畏
天人熾盛其地皆以衆寶莊嚴善男
子彼喜見國土有四百億諸四天下
一一天下縱廣八万四千由旬其中
諸城縱廣正等各一由旬皆以衆寶
而為校飾彼一一城皆有二万五千
聚落而圍遶之一一聚落无量百千
万數人衆充滿其中安居止住人見
色像心皆喜悅無可憎惡亦皆悉得
念佛三昧是以國土名曰喜見若他
方世界諸來菩薩皆得快樂餘國不
亦善男子其普光佛以三乘法為弟
子說亦多廣說如是法言若如實說
法若聖默然善男子亦時上方藥王

勝梵天經卷第四 第二十四及字號

佛國有二菩薩一名無盡意二名菩提意諸意見國普光佛所頭面礼足右遶三匝恭敬合掌却住一面時普光佛為二菩薩廣分別說淨明三昧言善男子何故名曰淨明三昧善男子若有菩薩入是三昧即時得離一切煩惱於諸佛法得淨光明是故名曰淨明三昧又前際一切法淨後際一切法淨現在一切法淨是三世法畢竟清淨以彼清淨常清淨故是以說言一切諸法自性清淨常清淨也何謂諸法自性清淨謂一切法自性是空離一切法有所得故一切諸法自性無相離一切法諸分別故一切諸法自性無願以一切法不取不捨無求無欲諸法畢竟自性離故是名諸法性常清淨以何等世間性涅槃亦亦同彼法性以何等涅槃性一切諸法亦同彼性以是故說一切諸法自心性清淨善男子譬如虛空若受垢染無有是處心性亦亦若有垢染無有是處善男子譬如虛空雖為烟塵雲霧覆覆不明不淨而不能染虛空之性善

勝梵天經卷第四 第二十五及字號

男子虛空之性若染汗者終不得名為清淨也以彼虛空實不可染是故說為虛空虛空如是善男子雖有為行一切衆生有不正念起諸煩惱然其彼心自性清淨不可染汗若染汗者彼常垢汗不可清淨以不染汗是故彼心自性清淨心得解脫善男子如是名入淨明三昧門善男子彼普光佛為二菩薩說如是法彼二菩薩聞是三昧於諸法中得不可思議之光明

勝思惟梵天所問經卷第四

勝思惟梵天所問經卷第四

校勘記

- 一 底本，金藏廣勝寺本。
- 一 一九四頁中四行第四字「希」，麗作「悌」。
- 一 一九四頁中一二行第一二字「衆」，磧、晉、南、經、清、麗作「衆生」。
- 一 一九四頁下一三行第六至七字「世尊」，磧、晉、南、經、清無。
- 一 一九四頁下一九行第四字「彼」，麗作「佛」。
- 一 一九五頁上四行「文殊師利」，磧、晉、南、經、清無。
- 一 一九五頁下一六行末字「足」，磧、晉、南、經、清、麗作「起」。
- 一 一九五頁下一九行第二字「者」，磧、晉、南、經、清、麗作「不著法眼不著佛眼者」。
- 一 一九六頁上一九行第五字「見」，磧、南、經、清作「實」。
- 一 一九六頁上二〇行第八字「問」，

一 九六頁下二〇行第一三字「言」，
[磧、普、南、徑、清、麗]作「問言」。

一 九七頁上三行第七字「名」，
[磧、普、南、徑、清]作「菩薩言」。

一 九七頁上八行第四字「行」，
[磧、普、南、徑、清]作「心」。

一 九七頁上末行第一〇字「二」，
[磧、普、南、徑、清]無。

一 九七頁中七行首字「不」，
[磧]作「於」。

一 九七頁中末行第八字「見」，
[磧、普、南、徑、清、麗]作「是」。

一 九七頁下七行第九字「女」，
[磧、普、南、徑、清]作「悔」。

一 九八頁上八行「童子」，
[磧、普、南、徑、清]無。

一 九八頁中一五行第二字「天」，
[磧、普、南、徑、清]作「行」。

一 九八頁下一八行第一〇字「二」，

[徑]作「一」。

一 九八頁下一九行第二字「聖」，
[磧、普、南、徑、清]作「慧」。

一 九九頁上一二行「知若」，
[磧、普、南、徑、清、麗]作「若知」。

一 九九頁上一五行第一二字「見」，
[磧、普、南、徑、清、麗]作「無」。

一 九九頁中末行末字「戲」，
[磧、普、南、徑、清、麗]作「戲論」。

一 九九頁下二二行第一〇字「是」，
[磧、普、南、徑、清]作「是如語無異
無別何以故諸有言說一切皆是」。

一 二〇〇頁上四行「可不」，
[磧、普、南、徑、清]作「不可」。

一 二〇〇頁上一一行末字及一二行
第四、第八字「相」，
[磧、普、南、徑、清]作「想」。

一 二〇〇頁上一二行「法非」，
[磧、普、南、徑、清、麗]作「非法」。

一 二〇〇頁中四行第四字「依」，
[磧、普、南、徑、清]作「水」。

一 二〇〇頁中一六行首字「七」，
[磧]

作「十」。

一 二〇一頁上一六行第七字「住」，
[磧、普、南、徑、清]作「在」。

一 二〇一頁上一二行「搖動」，
[磧、普、南、徑、清]作「動搖」。

一 二〇一頁中二行第六字「貪」，
[磧、普、南、徑、清、麗]作「姪」。

一 二〇一頁下七行第六字「不」，
[磧、普、南、徑、清、麗]作「不可」。

一 二〇一頁下八行第七字「來」，
[磧、普、南、徑、清]作「來應正遍知」。

一 二〇二頁上一二行第二字「詣」，
[磧]作「諸」。

一 二〇二頁中六行第一三字「汗」，
[磧、普、南、徑、清]作「汗」。

一 二〇二頁中一〇行末字「之」，
[磧、普、南、徑、清、麗]作「法之」。

勝思惟梵天所問經卷第五

反

元魏天生三藏菩提流支譯

今時無盡意菩薩白普光如來言世
 尊我等已聞入淨明三昧門當以何
 行行此法門時普光佛告無盡意菩
 薩言善男子有二法行汝等當行若
 如實說法若聖默然時二菩薩從佛
 受教頭面禮足遶佛三匝遶已而出
 趣一園林有妙池水自以神力化作
 寶樓於中修行時有梵天名曰妙光
 與諸梵俱七万二千來至其頭面
 禮足問二菩薩言善男子普光如來
 說如是言汝等善男子大衆集會當
 行二事若如實說法若聖默然善男
 子何謂如實說法何謂聖默然二菩
 薩言梵天汝今至心善聽我當少分
 為汝說之如汝所問唯有如來乃通
 達耳於是二菩薩以二句義為諸梵
 衆廣分別說時諸梵衆七万二千皆
 得無生法忍妙光梵天得普光三昧
 時二菩薩於是七万六千歲中以樂
 說力無尋辯才答其所問如實說法

若聖默然勝思惟梵天所問經卷第五第二張反不懈不息分別二句手相

問答而不窮盡於是普光如來在虛
 空中作如是言善男子汝等勿於文
 字言說而起諍訟凡諸言說皆空如
 響如所問答亦復如是汝等二人皆
 悉獲得無尋辯才及無盡陀羅尼若
 於一劫若於百劫說此二句辯不可
 盡善男子諸佛之法是寂滅相第一
 之義此中寂靜畢竟寂靜無字無義
 不可言說所有言說皆是無義是故
 汝等諸善男子當依於義莫依名字
 時二菩薩聞佛教已默然而止善男
 子以是義故當知菩薩若以辯才有
 所說法於百千万劫若復過於百千
 万劫不可窮盡善男子於意云何彼
 二菩薩豈異人乎無盡意者今文殊
 師利是益意菩薩汝身是也妙光梵
 天勝思惟是

菩提

勝思惟梵天所問經卷第五 第三張反

今時文殊師利問平等行梵天婆羅
 門大婆羅子言善男子汝知菩薩云
 何修行名勤精進答言文殊師利若
 菩薩能得聖道名勤精進曰云何修
 行能得聖道曰若於諸法無所分別
 如是行者能得聖道曰云何名為得
 聖道曰若行者於平等中見諸法
 等是則名為得聖道已問言善男子
 所言平等可得見耶答言不也何以
 故文殊師利若平等法可得見者則
 非平等文殊師利若能不見諸法平
 等是則名為見於平等

今時勝思惟梵天問文殊師利法王
 子言善男子諸法平等可得見不答
 言梵天不可見也若見平等非平等
 見梵天言文殊師利若行者於一切
 法平等相中不見諸法是則名為得聖
 道已問言梵天何故不見梵天答言
 離於二相是故不見文殊師利如是
 不見即是正見問言梵天於世間中
 誰能平等見梵天答言諸佛如來問
 言梵天云何能見梵天答言文殊師

利如色真如不異作受想行識真如
 亦不異作文殊師利如五陰平等名
 為見平等問言梵天何者是世間梵
 天答言滅盡是世間問言梵天若彼滅
 盡是世間者世間之相盡以不耶梵
 天答言世間之相不可盡也問言梵
 天以何義故說言世間是滅盡相梵
 天答言世間畢竟是滅盡相以是義
 故相不可盡何以故以是盡故不復
 更盡問言梵天佛可不說諸有為法
 是盡相耶梵天答言盡法相者彼常
 不盡是故佛說一切有為相不盡也問
 言梵天何故數名有為法耶梵天答
 言以其盡故名有為法問言梵天有
 為諸法為住何所梵天答言有為法
 住無為性中間言梵天若如是者有
 為之法與無為法有何差別梵天答
 言有為之法與無為法文字言說有
 差別耳何以故文字言說即是有為
 是無為故若求有為無為法相則無
 差別以彼法相無分別故問言梵天
 何等法上有此言語梵天答言得無
 為法則不分別法上言語問言梵天

何等言語名為義耶梵天答言所謂
 為他令心取相說彼言語何以故一
 切文字名為戲論而佛如來不住戲
 論不依不說文殊師利一切言語本
 非言語是故佛說一切諸法不可說
 也何以故諸佛如來非彼言語而得
 名故問言梵天諸佛如來云何得名
 梵天答言諸佛如來非色非相非法
 得名問言梵天諸佛如來可離色法
 而得名耶答言不也文殊師利何以
 故以色身如及法體如彼二如法非
 一非異諸佛如來如是得名如來如
 實真如得名若佛如來如實得名彼
 則不失問言梵天諸佛如來得何法
 故名為佛梵天答言文殊師利諸
 佛如來皆以通達一切法性清淨真
 如如彼真如如是而證諸佛如來如
 是得名是故名為正遍知者今時平
 等行梵天婆羅門大婆羅子白佛言
 世尊云何菩薩摩訶薩住大乘中而
 說言住今時世尊以得答曰
 菩薩不壞色住於菩提心知色如菩提
 是點慧菩薩如色菩提然平等入如相

不壞諸法性 是點慧菩薩 不壞菩提義
 則為菩提義 是菩提義中 亦無有菩提
 正行第一義 是名住菩提 菩薩點慧人
 如是解菩提 愚於陰界入 而欲求菩提
 陰等是菩提 不別有菩提 點慧諸菩薩
 於上中下法 不取亦不捨 是名住菩提
 點慧不分別 法非法為二 亦不得不二
 是名行菩提 若二則有為 非二則無為
 離是二邊者 是名行菩提 是人過凡夫
 亦不入法位 未得果名聖 是世間福田
 觀察世間法 處中若蓮華 遵行取上道
 是名住菩提 世間行何處 菩薩彼處行
 一切諸世間 悉沒何等法 點慧如實知
 於中得解脫 點慧則不畏 沒於世間淵
 不怯心劣心 行於菩薩行 菩薩點慧人
 善知法性相 是故不分別 是法是非法
 點慧菩薩行 無法可捨離 亦無法可起
 是名菩提相 一切法無相 猶如虛空相
 點慧者不念 是相是可相 菩薩常護法
 以住於平等 平等即是法 以不分別法
 世有佛無佛 一切諸法空 點慧諸菩薩
 不捨彼法體 現見佛諸法 所有法體相
 為於眾生說 以住真如故 諸魔不能惻

以諸行甚深勝覺天經卷第五 點慧不取法 遍知諸法故
 求知佛智慧 而不住於彼 智不有住處
 非不住異處 諸佛慧無尋 不著法非法
 若能不著此 究竟得菩提 其諸樂善人
 布施轉高尊 捨一切所有 而心不傾動
 諸法不可捨 亦復不可取 一切世間法
 我本不可得 如實知諸法 非縛非解脫
 佛說是施主 無所見法故 是等諸菩薩
 不計我我所 是故行施時 不生貪惜心
 諸所有布施 皆迴向佛道 布施及菩提
 不住是二相 無作无起戒 常住戒法中
 亦不作念言 我住是持戒 點慧知戒相
 不生亦不作 是故菩薩戒 清淨如虛空
 觀身如鏡像 言說如響聲 心則如幻化
 不以戒自高 其心常柔軟 安住寂滅性
 悉滅一切惡 通達於善法 持戒及毀戒
 不得此二相 如是見法性 則持無漏戒
 已到忍辱岸 能忍一切惡 於一切諸法
 其心常平等 諸法念念滅 其性常不住
 於中無罵辱 亦無有恭敬 若節節解身
 其心終不動 知心不在內 亦不在外故
 身怨及刀杖 皆從四大起 點慧悉現見
 名為忍辱人 於地水火風 未曾有傷損

通達於此事勝覺天經卷第五第八張及 常行忍辱法 菩薩行如是
 衆生不能動 勇猛勤精進 堅住於大乘
 是人於身心 而無所依止 雖知生死本
 其際不可得 為一衆生故 莊嚴大誓願
 法本不生滅 何處有滅相 本際不可得
 顛倒見起滅 法性常介住 故不可思議
 若能知如是 不生亦不滅 菩薩念衆生
 不解是法相 為之勤精進 今得離顛倒
 諸佛常不見 衆生決定相 而不捨發心
 是名精進人 思惟一切法 知皆如幻化
 智慧不得堅 觀法如虛空 從虛妄分別
 貪著生垢染 為斯開法門 今得入涅槃
 為彼行精進 而不壞於法 離法非法故
 常行真精進 是等行遠離 以得無諍定
 獨內俱不住 而常畏世間 樂住於閑居
 猶如犀一角 遊戲諸禪定 明達諸神通
 心常住平等 等空閑聚落 平等无分別
 常介名寂靜 常解知寂靜 無漏无分別
 信法得解脫 故說名寂靜 來去皆平等
 彼常住平等 不滅於平等 故說住平等
 自住平等法 以此道衆生 不違平等行
 故說常定住 志念常堅固 不忘菩提心
 而能化衆生 故說常定者 常念於諸佛

真實法性身勝覺天經卷第五 第九張及 遠離色身相 故說常定者
 常修行諸法 如諸法法體 而无有憶念
 故說常定者 常不捨念僧 知僧是无為
 離於數寂靜 善思惟點慧 十方佛國土
 志見於諸佛 而於眼色中 終不生二相
 諸佛所說法 一切能聽受 而於耳聲中
 亦不生二相 能於一心中 知諸衆生心
 自心及彼心 此二不分別 憶念過去際
 如恒河沙劫 是先及是後 亦復不分別
 能遍至無量 不思議佛所 而於身心中
 無有疲倦相 分別知諸法 樂說辯無盡
 於无央數劫 開示法性相 智慧到彼岸
 以解陰界入 常為衆生說 無取无戲論
 善知目緣法 遠離二邊相 知是煩惱因
 亦知是淨因 信解因緣法 則无諸邪見
 法皆屬目緣 無有定根本 點慧无我見
 佛見與空見 世間涅槃見 皆無如是見
 以智慧光明 知一切法性 无間無障導
 是智者行道 是業名大乘 不思議佛乘
 志容受衆生 是大乘菩提 一切諸乘中
 是乘為第一 如此大乘者 能出生餘乘
 餘乘有限量 不能受一切 唯此無上乘
 能悉受衆生 若行此無量 虛空之大乘

於一切衆生無有慳恡心有智者住此無垢之大乘此乘如虛空无色不可示若有諸衆生乘此大乘者當觀是乘相寬博多所容無量無數劫說大乘功德及乘此乘者功德不可盡若住此大乘彼人離諸難得值諸無難此是智慧人間是妙經典乃至四句偈不墮於惡道得到安隱處愛敬此經者是天亦是人以捨是身已常生人天故於後惡世時若得聞是經我皆與授記究竟成佛道若後惡世時手執此妙典即是住真法能轉此法輪若人持是經能轉無量劫生死趣往來得近於佛道若能持是經智慧大精進是人極勇猛能降伏諸魔然燈授我記今得無生忍愛樂此經者我授記亦然若佛不出世無度衆生時愛樂此經者作佛所作事說此偈時五十天子皆發阿耨多羅三藐三菩提心二千菩薩得無生法忍十千比丘不受諸法漏盡心得解脫三萬二千人遠塵離垢於諸法中得法眼淨尔時文殊師利法王子白佛言世尊如我解佛所說法義若有

人發菩提願者是為邪願何以故一切諸法若有所得悉皆是邪若有人計有得菩提而發願者如是之人諸所作行皆為邪行何以故以彼菩提不住欲界不住色界亦復不住無色界故若彼菩提无有住處不應發願世尊譬如有入願得虛空彼人寧有得虛空不佛言不也如是世尊菩薩亦尔發虛空相菩提之願當知即是發虛空願是菩提無願出過三世非是受相若菩薩起於二相發菩提心作如是念異彼生死而有菩提異彼菩提而有涅槃然彼菩薩非菩提行尔時勝思惟梵天問文殊師利法王子言文殊師利云何菩薩摩訶薩行菩提行答言梵天若菩薩行一切法而於諸法無所行者是為菩薩行菩提行何以故梵天過諸所行是名菩薩行菩提行又復問言文殊師利云何菩薩行過諸所行是行菩提行答言梵天遠離一切諸攀緣相離於眼耳鼻舌身意諸緣之相是名菩薩出過一切諸境界行又復問言文殊師利

言出過者以何意故如是說耶答言梵天不過平等何以故梵天諸法平等即是菩提又復問言云何菩薩起菩提願答言梵天當如彼菩提又復問言云何菩提答言梵天菩提者非過去非未來非現在是故菩薩三世清淨觀起菩提願梵天如過去未來現在諸法本不生若本不生則無修行如是起願彼人无有處所發願何以故如是發願行菩提行得一切種一切智智又復問言何義名為一切智智答言梵天一切悉知是故說為一切智智又復問言以何等法是一切智答言梵天無別異相以何等處無衆生相如彼衆生如是而知是故名為無別異相又復問言云何名為元衆生耶答言梵天言衆生者但有名字離名字性則無衆生離彼衆生則无名字是故名字不異衆生衆生之性不異名字若有菩提異衆生者應有二相以如菩提衆生亦尔以是義故不異衆生有菩提也以不異故菩提平等菩提平等則我平等如

是平等而得菩提彼法無異以是義勝梵天經卷第五 第十三張 及
 故彼無異也我常平等如彼无我是
 故無我无異於我如彼虛空無有異
 相如是平等一切諸法无有異相
 尔時勝思惟梵天謂文殊師利法王
 子言文殊師利當知如來是實語者
 以如實解如是法故文殊師利法王
 子言梵天佛於諸法無所修行何以
 故如來猶尚不得諸法何况修行梵
 天問言文殊師利如來豈可不知諸
 法是有為法是无為法是世間法是
 出世間法耶文殊師利問言梵天於
 意云何頗有人能修行虛空知虛空
 不答言不也問言梵天所說虛空虛
 空頗有生滅不耶答言不也文殊師
 利言梵天如是諸法猶如虛空如彼
 虛空無有生滅一切諸法亦復如是
 不以說故便謂諸法有生有滅梵天
 如此說法无有所說一切諸法而可
 說也以一切法不生不滅故無可說
 若所說法不生不滅無可說者說亦
 如是无法說也何以故如彼法說以
 何等識說彼諸法彼識亦尔以是義

故言說諸法真如法住无真如住而
 真如不住勝梵天經卷第五 第十四張 及
 尔時四天王釋提桓因大梵天王娑
 婆世界主集在會中即以天華散於
 佛上而作是言世尊若善男子善女
 人聞文殊師利法王子說如是法有
 信解者當知是人能破魔軍及諸怨
 敵何以故以法王子文殊師利善說
 諸法離一切相若有善男子善女人
 得聞如是甚深法門不驚不怖能信
 解者當知是人必定不從小功德來
 若是經典所在之處當知其處佛所
 住持若有得聞如是甚深法門之處
 當知其處佛轉法輪隨是經典在何
 住處若聚落城邑山林曠野塔寺僧
 房經行之處諸魔外道貪著之人所
 不能行若多供養過去諸佛乃能得
 聞如是經典於是經中我等獲得智
 慧光明而不能得仰報如來文殊師
 利勝思惟梵天之太恩也我等常於所
 從聞經說法法師生世尊想能以血
 肉而供養之猶不報恩我等諸人於
 是法師生世尊想我等諸人常當隨

侍說是法者此善男子常為諸天之
 所衛護世尊若人書寫如是經典若
 讀若誦若解說時無量諸天為聽法
 故往至其所勝梵天經卷第五 第十五張 及
 尔時世尊告四天王釋提桓因梵天
 王等諸大衆言善哉善哉諸善男子
 如汝所說如是如是若有三千大千
 世界滿中七寶布施福德以為一分
 聞是法門所得功德其福勝彼諸善
 男子置是三千大千世界有人若如
 恒河沙等十方世界滿中七寶布施
 福德以為一分聞是法門所得功德
 復過於彼諸善男子若有欲得諸功
 德者當聽是經若有欲得身色端正
 欲得財富欲得眷屬欲得自在欲得
 具足天樂人樂欲得名稱欲得多聞
 憶念堅固正行威儀戒定智慧解達
 經書欲得善知識欲得樂說辯才欲
 得三明六通欲得一切善法欲得與
 諸衆生一切樂具欲得涅槃者當聽
 是經敬信是經受持讀誦如說修行
 廣為人說
 諸善男子若有人能行是經者我不

見其有不攝受如此一切諸勢力者諸善男子我今語汝若人所從聞是經者若是和上若阿闍梨我未曾見世間所有供養之具能報其恩以是法門出於世間世間供養所不能報何以故以是法門過於世間世間財物所不能報是法無滌滌汙之物所不能報不可得以世間資生飲食卧具所能報恩諸善男子說是法者餘不能報惟有一事謂如說行若有人能於此法門如說行者是人名為能報佛恩是人亦名恭敬於師淨畢報恩是人亦空食人信施是人名為順如來教是人名為越度眾流是人名為過諸險道是人名為建立勝幢是人名為能破敵障是人名為師子之王无所畏故是名為王能降魔故是名牛王外道論師無能壞故是名醫王療眾病故是人名為无所怖畏能說如是甚深法故是人名為能具足捨能捨一切諸煩惱故是人名為持清淨戒究竟一切諸善法故是人名為得大忍辱

以得速離我所故是人名為大精進力於無量劫心无倦故是人名為具足禪定心常繫念住一處故是人名為有大智慧善解言說諸章句故是人名為有大功德以無量福嚴身相故是人名為有大威德能蔽日月諸光明故是人名大力持佛十力故是人名大雲能震法雷故是人名大雨滅煩惱塵故是人名歸依以至涅槃故是人名大救救生死畏故是人名燈明離无明闇故是人名歸趣魔所驚怖者之所歸依故是人名究竟大道之眾生是人名得位以坐道場故是人名得法眼是人名見真如是人名知空是人名為安住大悲是人名為安立大慈是人捨一切眾生是人名為背於小乘是人名為向於大乘是人名為除捨顛倒是人名為至于平等是人名為入於法位是人名為安住道場是人名為破壞諸魔是人名為住一切智是人則能轉于法輪是人能作佛所作事諸善男子我若一切若餘殘劫稱揚彼人讚歎

彼人說其如說修行功德不能窮盡如來之辯亦不可盡所有功德亦不可盡
爾時會中有一天子名不退轉在大會坐時不退轉天子白佛言世尊世尊所說隨法修行隨法修行者云何說名隨法修行佛言天子如我所說隨法行者謂不修行一切諸法故名修行一切諸法何以故若人修行一切諸法彼法不作亦非不作若法不作亦非不作是則名為隨法修行如是行者則不行善不行不善不行有漏不行無漏不行世間不行出世間不行有為不行無為不行生死不行涅槃是則名為隨法修行若不修行一切法者名為修行以世間人有法相者不如實行若有法相彼人則元如實行若人不能住於法中不如實行一切諸法以一切法無有對故如是說名如實修行
尔時不退轉天子白佛言世尊若能如是如實行者是人畢竟如實修行何以故實法行者名為畢竟如實修

行非是住勝覺天經卷第五 第十九張及於邪行道者住正道者有
隨法行世尊行正行者無有邪法何
以故諸法平等元差別故

爾時勝思惟梵天問不退轉天子言
善男子汝住如實修行中耶答言梵
天若使世尊所說法中有二相者我
則住於如實修行今以諸法無有二
相是乃名為如實修行梵天而我如
實住彼行中以常不作亦不戲論如
真如法如是修行如實之法我住彼
法如彼法行是故我說住於修行梵
天言天子我嘗於此佛國土中不曾
見汝天子言梵天我亦於此佛國土
中不曾見我梵天言天子此佛國土
非是分別無所分別我見不見天子
言梵天我亦如是亦不分別無所分
別曾於佛土見與不見問言天子何
人能見未曾見耶答言梵天謂諸凡
夫一切未曾見聖法位若能入者是
則名為先所未見而能見也是法位
如非眼識見亦復非是耳鼻舌身意
識所知但諸聖人如彼真如如是而
見如眼耳如乃至意如及法位如亦

復如是若有能作如是見者是名正見
爾時釋提桓因白佛言世尊譬如商
主入於寶洲眼所見者皆是寶物如
是成就不可思議諸功德者有所樂
說皆是法寶皆示實際以是諸善男
子不著我見不著衆生見故是諸善
男子有所樂說皆不顛倒是諸善男
子有所樂說能清淨本際不見後際
不見現在際是諸善男子有所樂說
若無信者能令生信若已信者令得
解脫是諸善男子有所樂說若憍慢
者能令降伏無憍慢者令如實知是
諸善男子有所樂說一切諸魔不能
得便其有聞者過諸魔業是諸善男
子有所樂說若有未生諸善法者則
能令生若有已生諸善法者能令不
減是諸善男子有所樂說現在煩惱
已生能斷未生煩惱能令不生是諸
善男子有所樂說若有未發菩提心
者則能令發已發心者能令不退是諸
善男子有所樂說能令一切諸法不
斷攝取一切諸法不減是諸善男子
有所樂說能令滿足一切佛法世尊

以是樂說能善降伏一切外道何以
故世尊一切野干師子王前不能勝
身何況出聲世尊一切外道諸論義
師亦復如是不能堪忍堪作無上師
子王乳
爾時不退轉天子問釋提桓因言憍
尸迦所言師子吼師子吼者為何謂
耶以何義故名師子吼答言天子若
行者說法無所貪著而有所說是則
名為師子吼也若行者貪著所見而
有所說是野干鳴不得名為師子吼
也以起一切諸邪見故天子汝當復
說云何名為師子吼者天子答言憍
尸迦若行者有所說法乃至如來尚
不貪著何況餘法是則名為師子吼也
又憍尸迦若行者如說修行如是說
法名師子吼決定說法名師子吼說
法無畏名師子吼又憍尸迦若行者
為得諸法不生不滅不為法生不為
法滅如是說法名師子吼又憍尸迦
若行者為無垢無淨無合無散是故
說法名師子吼又憍尸迦師子吼者
名決定說一切諸法悉無有我無衆生

等名師子吼以決定說諸法皆空无相無願名師子吼守護法故而有兩說名師子吼為諸衆生令得解脫發菩提心說如是言我當作佛如是說法名師子吼若能清淨賢性知足如是說法名師子吼常能不捨阿蘭若處如是說法名師子吼若自行施化他令施如是說法名師子吼若能不捨成就威儀如是說法名師子吼等心怨親如是說法名師子吼常修精進不捨本願如是說法名師子吼能除煩惱如是說法名師子吼能以智慧善知所行如是說法名師子吼當說如是師子吼時於此三千大千世界六種震動百千伎樂自然出聲放大光明普照天地百千諸天踊躍歡喜而作是言此不退轉天子所說師子吼法我等得聞於閻浮提則為再見轉于法輪時微笑諸佛常法若微笑時則有若干百千萬種青黃赤白紅紫等光從口中出普照無量无边世界上過梵世蔽日月光照已還攝遶身三匝從頂相入於是勝思惟

梵天向佛合掌偈讚請曰 度一切慧寂勝尊 悉知三世衆生行智慧功德及解脫 願為演說笑目緣佛慧無量不思議 知衆生心无障導隨應說法稱根性 聲聞緣覺所不及惟願寂勝無上尊 為我演說笑因緣舌淨無垢月光明 如帝釋王梵天王普照天人須弥山 及鐵圍等一切山惟願寂勝无比尊 為我演說笑因緣大聖寂然離瞋恨 天人瞻仰無厭足一切皆蒙得快樂 願為分別笑因緣通達諸法如虚空 水沫電雲幻無影水中月等虚空相 願以妙音說笑緣離分別相諸邪見 了空无相及無作常樂禪定寂然法 願說放此淨光緣不著文字言語聲 為諸衆生常說法不著我法無垢慧 一一法句如來說智通根力皆具足 華光智慧為我說如來世尊能永滅 生老病死一切苦那羅延力勇猛力 降伏一切諸魔力能與衆生無歸者 而作歸依法燈明惟願勇猛天人師 為我分別說笑緣尔時世尊告勝思惟大梵天言梵天

是不退轉天子汝為見不大梵天言如是世尊雖然已見佛言梵天此不退轉天子從今已後過三百二十万阿僧祇劫當得作佛号須弥燈王如来應正遍知乃至佛婆伽婆世界名善化劫名梵歎其佛國土閻浮檀金琉璃為地純菩薩僧勇猛降伏諸魔怨敵所須之物應念即至如兜率天佛壽無量不可計數說法无過於是勝思惟梵天謂不退轉天子言天子如来今已授仁者記天子言梵天我之受記如與真如法界授記與我授記亦復如是梵天言法性法界不可授記授記天子言如法性法界不可授記當知一切菩薩授記亦復如是梵天言天子若佛如来不與汝記汝於過去諸如来所是則便為空修梵行天子言梵天若无所住是住梵行問言天子云何无住而住梵行答言梵天若不住欲界不住色界不住無色界是住梵行復次梵天若不住我不住衆生不住壽命不住人者是住梵行以要言之若不住法不住非法是住

勝梵天經卷第五第二十五條

梵行問言天子所說梵行為有何義
答言梵天住不二道是梵行義問言
天子住不二道為住何所答言梵天
住不二道是即不住一切諸法何以
故以眾賢聖皆無所住不取於法不
度諸流問言天子云何修道答言梵
天不墮有無故不分別是有是元如
是修者名為修道問言天子為以何
法而修道耶答言梵天不以見聞覺
知等法亦不以得亦不以證於一切
法無相无示名為修道
勝思惟梵天所問經卷第五

癸卯歲高麗國大藏都監奉
勅彫造

勝思惟梵天所問經卷第五

校勘記

一 底本，麗藏本。

一 二〇四頁中一六行第七字「乎」，
資、磧、普、南、徑、清作「乎勿作斯
觀」。

一 二〇四頁下一七行首字「見」，
資作「見大」。

一 二〇五頁中二一行第一一字「曰」，
資、磧、普、南、徑、清作「言」。

一 二〇五頁下末行末字「惻」，
資、磧、普、南、徑、清作「測」。

一 二〇六頁上一行首字「以」，
徑、清作「於」。

一 二〇六頁中一〇行「知皆」，
資、磧、普、南、徑、清作「皆知」。

一 二〇六頁中二一行第八字「道」，
資、磧、普、南、徑、清作「導」。

一 二〇六頁下一五行「亦知」，
資、磧、普、南、徑、清作「知亦」。

一 二〇七頁上二〇行第二字「十」，

資、磧、普、南、徑、清作「五」。

一 二〇八頁下二一行第八字「持」，
南作「詩」。

一 二〇九頁下一行第一二字「能」，
資、磧、普、南、徑、清作「可」。

一 二一〇頁上七行第一〇字「諸」，
磧、普、南、徑、清作「說」。

一 二一〇頁上一二行第六字「嘗」，
磧、普、南、徑、清作「常」。

一 二一〇頁下三行末字「義」，
徑、清作「議」。

一 二一〇頁下一九行第三字「諸」，
資作「說」。

一 二一一頁中七行首字「舌」，
磧、普、南、徑、清作「善」。

一 二一二頁上七行第三字「墮」，
資作「隨」。

勝思惟梵天所問經卷第六

及

元魏天竺三藏菩提流支譯

尔時勝思惟梵天問不退轉天子言天子何謂菩薩堅固精進答言梵天若菩薩於諸法不見一相不見異相是名菩薩堅固精進若菩薩於諸法不壞法性故於諸法無著无斷無增無減不見垢淨出過法性是名第一堅固精進所謂菩薩身無所起心无所起於是世尊讚不退轉天子言善哉善哉讚天子已語勝思惟大梵天言如此天子向來所說身無所起心無所起是為第一堅固精進梵天我念往昔一切所行堅固精進持戒頭陀供養諸佛恭敬尊重而彼諸佛皆不授我阿耨多羅三藐三菩提記於諸佛所如是供養恭敬尊重於空閑處思惟坐禪習多聞慧愍念眾生給其所須一切所行難行苦行勤行精進而彼諸佛不授我記何以故我於尔時住身口心起精進故梵天我乃於後得如天子上來所說堅固精進

勝梵天經卷第六 第二及

三

然後方為燃燈如來授我記言汝於來世當得作佛号釋迦牟尼是故梵天若有菩薩欲得如來速疾授記應當修行如天子說堅固精進謂於諸法不起精進梵天言世尊云何三世平等精進佛言梵天過去心已滅未來心未至現在心无住若法已滅不復更起若法未至即無生相若法无住即住實相若如是者則非過去非是未來非是現在若非過去非是未來非是現在是名自性如是自性即是不生梵天是名三世平等精進能令菩薩疾得授記梵天菩薩成就如是法忍信一切法無所捨故是名菩薩布施精進信一切法無諸漏故是名菩薩持戒精進信一切法无所傷故是名菩薩忍辱精進信一切法无所起故是名菩薩勤行精進信一切法悉平等故是名菩薩禪定精進信一切法不分別故是名菩薩般若精進梵天菩薩如是信於諸法不增不減不邪不正而常布施不求果報常持禁戒无所貪著修行忍辱知内外

勝梵天經卷第六 第三及

四

空修行精進知無所起修行禪定无所依止修行般若无所取相梵天菩薩成就如是法忍雖復亦現於一切法有所修行而无染汙是人名得諸法平等不為世法得失毀譽稱讚若樂之所傾動出過一切世間法故亦不自高亦不自下不喜不憂不動不逸无有二心離於諸見得無二法於諸眾生隨二見者起大悲心以為教化諸眾生故而現受身梵天是名第一堅固精進所謂得無我忍忍於眾生起大悲心攝受眾生當說如是大精進時八千菩薩得無生法忍佛為授記皆當得成阿耨多羅三藐三菩提各於異土得成佛道皆同一号号堅精進

尔時慧命大迦葉在大會坐而白佛言世尊譬如大龍若欲雨時雨於大海不雨餘處此菩薩亦復如是以大法雨為大海心諸菩薩說不為餘者佛言如是如是迦葉如汝所說諸大龍王所以不雨閻浮提者非有恠妬但以其處不堪受故何以故大龍所

雨澍如車軸勝梵天經卷第六第五段及閻浮提中不能容受者其雨者是閻浮提城邑聚落山林陂池皆悉漂流如漂葉葉是故大龍不以大雨雨閻浮提如是迦葉此諸菩薩不雨法雨於餘衆生亦无恠妬但以其器不能堪受如是等法以是義故此諸菩薩但於甚深無量无边智慧大海菩薩心中雨如是等不可思議無上法雨迦葉譬如大海堪受大雨澍如車軸不增不減此諸菩薩亦復如是若於一劫若復百劫若聽若說其法湛然不增不減迦葉譬如大海四天下中百川衆流入其中者同一鹹味此諸菩薩亦復如是聞種種法種種論義皆能信解皆為一味所謂空味迦葉譬如大海清淨無垢濁水流入即皆澄淨此諸菩薩亦復如是能淨一切瞋恨害垢迦葉譬如大海甚深無底不可度量此諸菩薩亦復如是悉皆能入甚深法相一切聲聞辟支佛等不能度量迦葉譬如大海集無量水集无量寶此諸菩薩亦復如是集無量法无量智慧無量法

寶以是義故說諸菩薩心大如海勝梵天經卷第六第五段及迦葉譬如大海積聚種種無量珍寶此諸菩薩亦復如是一切皆入種種法門集諸法寶種種行道出生無量法寶之聚迦葉譬如大海生三種寶一者少價二者大價三者無價此諸菩薩所可說法亦復如是隨諸衆生根之利鈍令得解脫有以小乘令得解脫有以中乘令得解脫有以大乘令得解脫迦葉譬如大海終不偏為一衆生有此諸菩薩亦復如是不唯獨為一衆生故發菩提心迦葉譬如大海漸漸轉深漸漸稱意此諸菩薩亦復如是向薩婆若漸漸轉深漸漸隨意迦葉譬如大海不宿死屍此諸菩薩亦復如是不宿聲聞辟支佛心亦復不宿慳貪毀禁瞋恚急亂念愚癡如是等心亦復不宿我人衆生如是等鬼迦葉譬如劫盡燒世界時諸小陂池江河泉源在前枯竭然後大海乃當消盡正法滅時亦復如是諸行小道正法先盡然後菩薩大海之心正法乃滅迦葉此諸菩薩寧失

身命不捨正法勝梵天經卷第六第六段及迦葉大海之水則有減盡而諸菩薩摩訶薩等甚深正法不盡不滅迦葉汝謂菩薩失正法耶勿作斯觀迦葉如彼大海有金剛珠名集衆寶於千世界大海之中轉作金剛摩尼寶珠乃至第七日出之時大火猛焰上至梵世而此寶珠不燒不失轉至他方大海之中若是寶珠在此世界世界燒者無有是處此諸菩薩亦復如是正法滅時七邪法出尔乃至於他方世界何等為七一者外道論二者惡知識三者邪用道法四者互相惱亂五者入邪見棘林六者不能壞不善根七者無有證會法者是等七惡出於世時此諸菩薩知諸衆生不可得度尔乃至於他方佛國亦常不離見佛聞法教化衆生增長善根迦葉譬如大海無量衆生之所依止得安樂處此諸菩薩亦復如是衆生依止得三種樂人樂天樂涅槃之樂迦葉譬如大海其水極鹹餘處衆生鹹不能飲此諸菩薩亦復如是諸魔外道不能吞滅迦葉譬如大

海水中衆生不於餘處求覓水飲而即飲此大海鹹水此諸菩薩亦復如是不於餘處推求法味以飲服之惟自飲服諸佛法味亦時大德迦葉白佛言世尊大海雖深尚可測量此諸菩薩一切聲聞辟支佛等不能測量是故說此諸菩薩心猶如虛空佛言迦葉恒河沙等諸世界中大海之水猶可測量此諸菩薩智慧大海不可測量亦時世尊偈重說言
辟如大海能悉受 一切衆水無滿時
此諸菩薩亦如是 常求法利無厭足
辟如大海納衆流 一切悉歸不盈少
此諸菩薩亦如是 聽受深法無增減
辟如大海性不濁 濁水流入悉澄清
此諸菩薩亦如是 能淨一切煩惱垢
辟如大海深无底 此諸菩薩亦如是
功德智慧無有量 一切外道不能測
辟如大海等一味 百川流入味不殊
此諸菩薩亦如是 所聽受法一空味
辟如大海在世界 非但為一衆生有
此諸菩薩亦如是 普為一切發道心
如海寶珠名集寶 因是實故有衆寶

菩薩實聚亦如是 從菩薩實出三寶
辟如大海有三寶 而彼大海無分別
菩薩說法亦如是 三乘度人无彼我
辟如大海漸漸深 此諸菩薩亦如是
為衆生故修功德 漸入甚深薩婆若
辟如大海不宿死 此諸菩薩亦如是
發清淨心菩提願 不宿聲聞緣覺心
辟如大海有寶珠 劫盡燒時寶不燒
菩薩於法欲滅時 大智護持令不滅
如彼寶珠不燒失 轉至他方大海中
知諸衆生非法器 點慧菩薩至餘國
三千世界欲燒時 劫火將起燒天地
百川衆流在前涸 亦乃水王於後竭
行小道者亦如是 法欲盡時在前滅
菩薩勇猛不惜身 護持正法乃不盡
若佛在世若滅後 是心中寶實不滅
深心清淨住是法 以此善法修行道
百千衆生依止海 海有非為一衆生
菩薩發心亦如是 為度一切衆生故
十方世界諸大海 猶尚可得測其量
是諸菩薩所行道 聲聞緣覺不能測
十方世界虛空界 空界猶尚可測量
諸菩薩行虛空界 不可測量此行界

迦葉當知諸菩薩 勇猛精進堅固心
願欲作佛度衆生 尚無與等何况勝
斯德寶聚如大海 是可供養良福田
是為衆上大醫王 能療一切衆生病
是為歸依作救護 洲渚燈明究竟道
能與無明世間眼 得眼則能服甘露
是為世間諸法王 是為帝釋决斷智
是為大梵行四禪 是為能轉梵法輪
是為大智導世師 示著邪徑正真道
勇猛能住大菩提 是為清淨除穢惱
是修白法如滿月 光明高顯猶如日
菩薩智慧生增長 如大雷聲雨法雨
是無所畏如師子 是心調柔如象王
菩薩堅固如須弥 一切諸魔不能伏
離濁清淨為如水 是有威猛為如火
是無障導為如風 无能動轉為如地
以是菩薩離限心 拔我傍根貪嫉等
如藥樹王无分別 世間八法不染汗
菩薩為如優曇華 千万億劫不可見
是為知報佛之恩 是為不斷諸佛種
是為堅固行大悲 是用喜捨而超出
是能捨離五欲心 是常求佛法寶財
是行布施為衆勝 善住持戒无等侶

摩訶天經卷第六第十張及
 善住忍力健無匹 是勤精進无疲倦
 是行禪定具神通 能至無量諸佛土
 常見諸佛聽受法 如其所聞為人說
 善知衆生所行行 隨其性欲根利鈍
 是名善知方便力 是然慧燈得濟處
 是能善知一切法 是知衆生得解脫
 修行堅固如實知 如是目生如實知
 是於諸法正觀察 為從何來至何所
 善知諸法無去來 常住法性而不動
 是見有為法皆空 增益大悲濟衆生
 妄想煩惱故受苦 為度之故修行道
 凡夫分別我我所 行於種種諸邪見
 是能曉了法實相 為斷諸見講說法
 無常為常不淨淨 无我謂我苦為樂
 凡夫顛倒貪著故 生死前際不可知
 能知如是顛倒法 无我無人无衆生
 菩薩如是修正道 無常无樂無我淨
 迦葉當知此菩薩 我所讚歎諸功德
 於其所行不可盡 猶如大地舉一塵
 發菩提心若不退 三千大千供養具
 若復有供過於此 是人應受此供養
 若人發心願作佛 是則恭敬供養我
 於諸去未現在佛 亦皆恭敬供養已

勝梵天經卷第六第十張及
 今時勝思惟梵天語文殊師利法王
 子言文殊師利當請如來應正遍知
 護此法門後世末世依於如來住持
 之力令此法門廣行流布文殊師利
 法王子言梵天於意云何汝謂如來
 於此法門有法有說可示可護不耶
 答言不也文殊師利言梵天是故當
 知一切諸法無說无示無滅无護若
 有擁護此法門者為護虛空梵天若
 有菩薩作如是言我護法者彼諸菩
 薩非是正說何以故以此法門出過
 一切諸言語故是名菩薩樂無諍訟
 梵天若有菩薩於此衆中作是念言
 今說是法當知是人即非聽法何以
 故不聽法者乃為聽法梵天問言文
 殊師利以依何意作如是言不聽法
 者乃為聽法文殊師利答言梵天不
 漏眼耳鼻舌身意是為聽法何以故
 若於眼等內六入中不漏色聲香味
 觸法乃為聽法
 今時會中三万二千天子五百比丘
 三百比丘居八百優婆塞八百優婆
 夷聞法王子文殊師利如是所說一

摩訶天經卷第六第十張及
 切皆得無生法忍得是忍已作如是
 言如是如是文殊師利如仁所說不
 聽法者乃為聽法今時勝思惟梵天
 問於得忍諸菩薩言汝等豈不聽是
 法門耶諸菩薩言如我等聽以不聽
 為聽梵天問言汝等云何知是法門
 答言梵天以不知為知梵天問言汝
 等以得何等法故名得法忍答言梵
 天以一切法皆不可得是故我等名
 得法忍梵天問言汝等云何隨是法
 行答言梵天以不隨行是隨法行梵
 天問言汝等可不明了通達此法門
 耶答言梵天一切諸法我等悉皆明
 了通達無彼我故
 今時會中有一天子名曰無垢集在
 會坐謂勝思惟大梵天言梵天若有
 但聞此經法門不為如來與授記者
 我當授其阿耨多羅三藐三菩提記
 何以故以此法門不失因果而能出
 生一切善法能壞魔怨離諸憎愛能
 令衆生心得清淨能令信者皆得歡
 喜以此法門除諸瞋恨以此法門一
 切善人之所修行以此法門一切諸

佛之所護念勝梵天經卷第六第十四及以此法門一切世間天人阿修羅所共守護以此法門決定必得至不退轉以此法門真實不誑至道場故以此法門真實不倒能令衆生得諸佛法以此法門能轉法輪以此法門能除疑悔以此法門能開聖道以此法門求解脫者所應善聽以此法門若有欲得陀羅尼者所應善持以此法門求福之人所應善說以此法門樂法之人所應善護以此法門能與快樂至於涅槃以此法門若魔外道有所得人而不能斷以此法門應受供人能隨其義以此法門能令利根行者欣悅以此法門令真智者皆悉歡喜以此法門能與人慧離諸見故以此法門能與人智破愚癡故以此法門文辭次第善說法故以此法門究竟善巧隨義說故以此法門多所利益說第一義以此法門愛樂法人之所貪惜以此法門有智之人所不能離以此法門是行施者之大寶藏以此法門是熱惱者之清涼池以此法門能令瞋者慈者心皆平等

以此法門勝梵天經卷第六第十四及令懈怠者皆行精進以此法門令妄念者皆得禪定以此法門與愚癡者般若之明梵天此法門者一切諸佛之所貴重无垢天子說是法時於此三千大千世界六種震動佛即讚言善哉善哉无垢天子如汝所說尔時勝思惟梵天白佛言世尊是無垢天子曾於過去諸如來所聞是法門耶佛言梵天是無垢天子已於過去六十四億諸如來所聞是法門復過四万二千劫已當得作佛号无垢莊嚴國名實莊嚴於其中間諸佛出世一切供養亦於彼佛聞是法門梵天是諸比丘比丘尼優婆塞優婆夷天龍夜叉乳闍婆阿修羅迦樓羅緊那羅摩睺羅伽人非人等在此會中得法忍者皆當得生實莊嚴國尔時無垢天子白佛言世尊我不求菩提不願菩提不貪著菩提不喜樂菩提不思念菩提不分別菩提云何如來授我記耶佛言天子如以草木莖節枝葉投於火中而語之言莫然莫然若以是語而不然者無有是處

如是天子菩薩亦尔雖不求菩提不願菩提不貪著菩提不喜樂菩提不思念菩提不分別菩提當知是人已為一切諸佛所記何以故若諸菩薩不求菩提不願菩提不貪著菩提不喜樂菩提不思念菩提不分別菩提則於諸佛必得授於阿耨多羅三藐三菩提記尔時會中五百菩薩白佛言世尊我等今者不求菩提不願菩提不貪著菩提不喜樂菩提不思念菩提不分別菩提作是語已以佛神力即見上方八万四千諸佛授其阿耨多羅三藐三菩提記尔時五百菩薩白佛言希有世尊如來善說若諸菩薩不求菩提不願菩提不貪著菩提不喜樂菩提不思念菩提於菩提不分別無分別如是菩薩當知已為諸佛授記世尊我等今見上方八万四千諸佛皆與我等授阿耨多羅三藐三菩提記尔時文殊師利法王子白佛言唯願世尊護是法門於當來世閻浮提

眷屬圍遶前詣佛所頂禮佛足白佛
 言世尊我是四神王得須陁洹道若
 有法師順佛教者我等當當率諸親
 屬營從神民護是法師若善男子若
 善女人護念法者有能受持是等法
 門讀誦解說我等四王常往其所衛
 護是人隨在何處若城邑聚落若空
 閑靜處若在房中若在家若出家我
 等四王及諸眷屬常當隨侍供給所
 須令心安隱無有歇倦亦使一切無
 能嫉者世尊我等四王隨是法門所
 在之處常令其方面百由旬若天天
 子若龍龍子若夜叉夜叉子若鳩摩
 茶鳩摩茶子等不能得便
 尔時毗流博叉天王而說偈言
 我所有眷屬親戚及諸民皆當共衛護
 供養是法師
 尔時毗流勒叉天王而說偈言
 我是法王子從法而化生佛子發心人
 我皆當供給
 尔時提頭賴吒天王而說偈言
 若有諸法師持佛修多羅我常當衛護
 周遍於十方

尔時毗沙門天王而說偈言
 是人發道心所應受供養一切諸衆生
 無能知之者
 尔時毗沙門天王子名曰善實持七
 寶蓋奉上如來而說偈言
 世尊我今當受持是法門亦為他人說
 我有如是心世尊和我心及先世所行
 初始發道心至誠求佛道世尊無見頂
 今奉此妙蓋願我得如是無見頂之相
 我以愛敬心瞻仰於世尊願二足之尊
 慈悲觀察我我求佛淨眼願見阿逸多
 度智慧世尊即時以偈答汝於此命終
 即生兜率天從兜率下生得見弥勒佛
 二万歲供養尔乃行出家既得出家已
 淨修於梵行賢劫中諸佛一切悉得見
 亦皆供養之於彼修梵行過六十億劫
 汝當得成佛号名為寶蓋國土甚嚴淨
 惟有菩薩僧為講說妙法壽命盡一劫
 佛滅度已後正法住一劫像法住半劫
 清淨勝妙法安隱諸衆生
 尔時釋提桓因與無數百千諸天圍
 遶而白佛言世尊若有能持是等法
 門彼諸法師我常衛護供養供給隨

是法門所在之處若讀若誦若解說
 者我及眷屬以為聽受是法門故往
 詣其所增益法師勢力無畏法次第
 意令不漏失尔時釋提桓日子名曰
 善護持妙寶蓋諸寶間錯奉上如來
 而說偈言
 我常如實知世尊前世行我亦如是行
 求佛一切智世尊於往昔無物不施與
 我當隨此行亦捨諸所有我今法王子
 受持是法門當數為人說以報如來恩
 受是法門者是即與我同我給侍彼人
 為得菩提故世尊聲聞人不能守護法
 於後恐怖世我護是法門世尊安慰我
 又斷諸天疑我今當久如得佛如世尊
 佛通達智慧授一切智記汝後當作佛
 如我今無異過於千億劫復過百億劫
 尔乃得成佛号名為智成
 尔時娑婆世界主大梵天王白佛言
 世尊若善男子善女人等其有能說
 是法門者我為供養彼法師故捨禪
 定樂往詣其所何以故是等法門出
 生帝釋大梵天王諸豪華尊等我常
 當供養如是諸善男子如是說法諸

勝梵天經卷第六 第三十張及 卷
善男子應受世間大梵天王一切天人阿修羅等之所供養亦時妙梵天王而說偈言

比丘比丘尼諸清信士女受持此法門是世供養處乃至有一人能行是法門我妙梵天王要當為之說數眾妙華座高至於梵天於此座上坐演說是法門若於惡世中從聞是法者應發希有心踊躍稱善哉若無量世界大火志充滿要當從中過往聽是法門若有欲得聞開佛道法門應如須彌寶供養從聞者亦時世尊現神通力令魔波旬及其軍眾來詣佛所作如是言世尊我與眷屬今於佛前三此誓願隨是法門所派布屬若說法者及聽法者并彼國土不起魔事亦當擁護如是法門亦時世尊放金色光照此世界告文殊師利法王子言文殊師利我今住持如是法門以為利益諸法師故隨是法門在閻浮提歲數久近佛法不減亦時會中諸眾生等以一切華以一切香一切末香而散佛上作如是言世尊願是法門行閻浮提久住於

勝梵天經卷第六 第三十二張及 卷
世廣宣流布於是世尊告阿難言汝今受持如是法門阿難自言唯然受持佛言阿難我今當以如是法門囑累於汝受持讀誦廣為人說

亦時阿難即白佛言世尊若人受持如是法門書寫讀誦為人解說彼人為得幾許功德佛言阿難隨是法門所有文字章句之數若人盡壽以一切種勝妙樂具供養亦許諸佛及僧若復有人乃至供養是法門恭敬尊重而讚歎之其福為勝是人現得十一切德之藏何等為十二見佛藏得天眼故二聽法藏得天耳故三見僧藏得不退轉菩薩僧故四無盡財藏以得寶手故五色身藏以得具足三十二相故六眷屬藏得不可壞諸眷屬故七聞所未聞諸法之藏以得諸持陀羅尼故八憶念藏以得樂說無尋辯故九无畏藏破壞一切外道論故十福德藏利益一切諸眾生故十一智慧藏以得一切諸佛法故佛說如是修多羅時七十二那由他菩薩得無生法忍无量眾生發阿耨多羅三藐

勝梵天經卷第六 第三十四張及 卷
三菩提心無數眾生不受諸法漏盡心得解脫

亦時慧命阿難即從坐起整服右肩頂禮佛足自言世尊當以何名名此法門云何奉持佛言阿難此法門者名為平等攝一切法如是受持名為莊嚴一切佛法如是受持名勝思惟梵天所問如是受持名為文殊師利論義如是受持佛說是法門已文殊師利法王子勝思惟梵天平等行善男子網明菩薩長老摩訶迦葉慧命阿難及十方世界諸來菩薩天龍夜叉乾闥婆王阿修羅等受持佛語皆大歡喜

勝思惟梵天所問經卷第六

癸卯歲高麗國大藏都監奉
勅彫造

勝思惟梵天所問經卷第六

校勘記

一 底本，麗藏本。

- 一 二一三頁上八行第二字「滅」，**普**作「滅」。
- 一 二一三頁上一二行「此天子向來」，**資、磧、普、南、徑、清**作「不退轉天子」。
- 一 二一三頁下一九行第六字「此」，**資、磧、普、南、徑、清**作「此諸」。
- 一 二一三頁下二一行第七字「迦」，**資、磧、普、南、徑、清**作「大迦」。
- 一 二一四頁上一五行第五字「義」，**資、磧、普、南、徑、清**作「議」。
- 一 二一五頁上一〇行「偈重說」，**資、磧、普、南、徑、清**作「重說偈」。
- 一 二一五頁上一八行末字「惻」，**資、磧、普、南、徑、清**作「測」。
- 一 二一五頁中一〇行首字「如」，**資、磧、普、南、徑、清**作「而」。
- 一 二一五頁下五行第二字「爲」，**資、磧、普、南、徑、清**作「世」。
- 一 二一五頁下一七行第六字「限」，**資、磧、普、南、徑、清**作「恨」。
- 一 二一七頁上末行「者心皆」，**資、**

- 一 **磧、普、南、徑、清**作「心」。
- 一 二一七頁中二行第四字「妄」，**資、磧、普、南、徑、清**作「忘」。
- 一 二一八頁上三行第六字「令」，**清**作「今」。
- 一 二一八頁上八行首字「召」，**資、磧、普、南、徑、清**作「名」。
- 一 二一八頁中末行第一二字「以」，**資、磧、普、南、徑、清**作「行」。
- 一 二一九頁上一五行第四字及一八行第四字「流」，**徑、清**作「留」。
- 一 二一九頁上一五行「天王」，**資、磧、普**作「大王」，下至同頁中四行同。
- 一 二一九頁上末行第二字「遍」，**資、磧、普、南、徑、清**作「匝」。
- 一 二一九頁中七行第二字「有」，**磧**作「聞」。
- 一 二一九頁中七行第一一字「及」，**磧**作「是」。
- 一 二一九頁下一一行首字「受」，**資、磧、普、南、徑、清**作「愛」。

- 一 二二〇頁上一行末字至二行首字「天人」，**資、磧、普、南、徑、清**作「人天」。
- 一 二二〇頁上五行第六字「乃」，**磧**作「及」。
- 一 二二〇頁上七行第二字「至」，**磧**作「王」。
- 一 二二〇頁上一〇行第四字「中」，**資、磧、普、南、徑、清**作「此」。
- 一 二二〇頁上一六行第二字「土」，**磧**作「王」。
- 一 二二〇頁中六行「書寫讀誦」，**資、磧、普、南、徑、清**作「讀誦書寫」。
- 一 二二〇頁中一〇行第一一字「門」，**資、磧、普、南、徑、清**作「門經卷」。
- 一 二二〇頁中一二行「一功」，**資**無；**磧、普、南、徑、清**作「一」。
- 一 二二〇頁中一二行第一一字「一」，**資**無。
- 一 二二〇頁中二一行一二字「說」，**磧**作「諸」。